



Broj: 02-05-4285-1/16
Sarajevo, 16.02.2016. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na **18. vanrednoj** sjednici održanoj **16.02.2016.** godine, donijela je sljedeći

ZAKLJUČAK

1. Utvrđuje se Prijedlog zakona o izmjenama i dopunama Zakona o geološkim istraživanjima.
2. Predlaže se Skupštini Kantona Sarajevo da, u skladu sa članom 158. Poslovnika Skupštine Kantona Sarajevo ("Službene novine Kantona Sarajevo", br. 41/12 – Drugi novi prečišćeni tekst, 15/13, 47/13 i 47/15), po skraćenom postupku pretrase i donese zakon iz tačke 1. ovog Zaključka.

PREMIJER

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo privrede
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Bosna i Hercegovina
Federacija Bosne i Hercegovine
KANTON SARAJEVO
V L A D A

ZAKON
O IZMJENAMA I DOPUNAMA
ZAKONA O GEOLOŠKIM ISTRAŽIVANJIMA

(Prijedlog)

Nosilac izrade:
Ministarstvo privrede

Sarajevo, decembar, 2015. godine

Na osnovu člana 13. stav (1) tačka i) i člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04 i 6/13), Skupština Kantona Sarajevo, na ____ sjednici održanoj dana ____ 2016. godine, donijela je

P r i j e d l o g

**ZAKON
O IZMJENAMA I DOPUNAMA
ZAKONA O GEOLOŠKIM ISTRAŽIVANJIMA**

Član 1.

U Zakonu o geološkim istraživanjima ("Službene novine Kantona Sarajevo", broj 41/12) u članu 2. u alineji 1) iza riječi "je" riječi: "privredno društvo" zamjenjuju se sa riječi "subjekt".

Član 2.

(1) U članu 10. u stavu (1) u tački g) iza riječi "klizišta" dodaju se zarez i riječi: "odrona, drugih savremenih egzogenih geoloških procesa".

(2) U stavu (3) riječ "odobrenja" zamjenjuje se sa riječi "ugovora", iza riječi "sa" dodaju se riječ i slovo "Zakonom o", a riječi "Bosne i Hercegovine ("Službeni glasnik BiH", br. 49/04, 19/05, 52/05, 92/05, 8/06, 24/06, 70/06 i 12/09)" zamjenjuju se riječima: ("Službeni glasnik BiH", broj 39/14)".

Član 3.

U članu 19. u stavu (3) riječ "Ministarstva" zamjenjuje se riječima: "nadležnog organa iz člana 26. ovog zakona".

Član 4.

U članu 21. u stavu (1) riječi: ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09)" zamjenjuju se riječima: ("Službene novine Federacije BiH", broj 81/15)".

Član 5.

(1) U članu 22. u stavu (5) briše se rečenica "Za članove stručne komisije imenuju se i stručne osobe geološke struke iz ministarstva".

(2) U stavu (6) brišu se: broj "21.", zarez iza broja "21.", zarez iza broja (5), slovo "i" iza broja "42." i broj "55.", a dodaje se slovo "i" iza broja (5).

Član 6.

(1) U članu 26. u stavu (3) riječi: "svrhu izgradnje objekata pobrojanih" zamjenjuju se riječima: "svrhe navedene", a riječ "Ministarstva" zamjenjuje se riječima: "općine na čijem području se nalazi istražni prostor".

(2) Iza stava (3) dodaje se novi stav (4) koji glasi: "(4) Ako se istražni prostor nalazi na području dvije ili više općina, istraživanje iz stava (3) ovog člana vrši se na osnovu odobrenja Ministarstva".

Član 7.

(1) U članu 27. u stavu (1) riječ "Ministarstvu" zamjenjuje se riječima: "nadležnom organu".

(2) U stavu (3) u tački d) riječ "projekt" zamjenjuje se sa riječi "projekta".

Član 8.

(1) U članu 28. u st. (5) i (7) riječ "Ministarstvo" zamjenjuje se riječima: "nadležni organ iz člana 26. ovog zakona".

(2) U stavu (5) riječ "dužno" zamjenjuje se sa riječi "dužan".

(3) Iza stava (7) dodaje se novi stav (8) koji glasi: "(8) Općina koja je izdala odobrenje iz stava (7) ovog člana dostavlja i Ministarstvu dva primjerka ovog odobrenja."

Član 9.

U članu 33. brišu se riječi: "ili investitor tih radova", a riječi: "Ministarstvu koje je izdalo" zamjenjuju se riječima: "nadležnom organu koji je izdao".

Član 10.

(1) U članu 40. u stavu (1) riječ "Ministarstvu" zamjenjuje se riječima: "nadležnom organu koji je izdao odobrenje za istraživanje".

(2) U st. (2) i (3) riječ "Ministarstvu" zamjenjuje se sa riječi "organu".

Član 11.

(1) U članu 46. u stavu (1) riječ "Ministarstvo" zamjenjuje se riječima: "nadležni organ koji je izdao odobrenje za istraživanje".

(2) U st. (2), (3) i (4) riječ "Ministarstvo" zamjenjuje se sa riječi "organ".

Član 12.

(1) U članu 47. u stavu (1) riječi: "privredno društvo ili izvođač istražnih radova dužno" zamjenjuju se riječima: "izvođač radova iz člana 33. ovog zakona dužan", a riječ "Ministarstvu" zamjenjuje se riječima: "organu koji je izdao odobrenje za istraživanje".

(2) U stavu (2) riječi: "privredno društvo, odnosno izvođač istražnih radova dužno" zamjenjuju se riječima: "izvođač radova iz člana 33. ovog zakona dužan", a riječ "Ministarstvu" zamjenjuje se riječima: "organu iz stava (1) ovog člana".

(3) U stavu (3) riječi: "privredno društvo ili izvođač istražnih radova dužno" zamjenjuju se riječima: "izvođač radova iz člana 33. ovog zakona dužan", a riječ "Ministarstvu" zamjenjuje se riječima: "organu iz stava (1) ovog člana".

(4) U stavu (4) riječi: "privredno društvo ili izvođač rudarskih radova" zamjenjuju se riječima: "izvođač radova iz člana 33. ovog zakona".

(5) U stavu (5) riječi: "privredno društvo, odnosno izvođač geoloških istražnih radova" zamjenjuju se riječima: "izvođač radova iz člana 33. ovog zakona".

(6) U stavu (6) riječi: "privredno društvo, odnosno izvođač istražnih radova" zamjenjuju se riječima: "izvođač radova iz člana 33. ovog zakona".

Član 13.

U članu 48. u stavu (2) riječi: "privredno društvo dužno" zamjenjuju se riječima: "izvođač radova iz člana 33. ovog zakona dužan", a riječ "Ministarstvu" zamjenjuje se riječima: "organu koji je izdao odobrenje za istraživanje".

Član 14.

U članu 54. u stavu (3) riječi "Ministarstvo koje je izdalo" zamjenjuju se riječima "nadležni organ koji je izdao".

Član 15.

U članu 56. u stavu (2) slovo i riječ "u Federaciji" zamjenjuju se sa riječi "Federacije", a broj "69/05" zamjenjuje se brojem "73/14".

Član 16.

U članu 59. u stavu (4) riječi: "prava utvrđena u čl. 67. i 68." zamjenjuju se riječima: "ovlasti utvrđene u članu 62.", a slovo i riječ "u Federaciji" zamjenjuju se sa riječi "Federacije".

Član 17.

(1) U članu 74. u stavu (1) u tački a) riječ "Ministarstva" zamjenjuje se riječima: "nadležnog organa".

(2) U stavu (1) briše se tačka h), a dosadašnje tačke: i), j), k), l), m), n), o) i p) postaju tačke: h), i), j), k), l), m), n) i o).

Član 18.

U članu 75. u stavu (1) u tački h) broj "46" zamjenjuje se brojem "33", a brišu se riječi: "stav (1)".

Član 19.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj: _____/16
Sarajevo, _____ 2016.

PREDSJEDATELJICA
SKUPŠTINE KANTONA SARAJEVO

Prof. Ana Babić

O B R A Z L O Ž E N J E

PRAVNI OSNOV

Pravni osnov za donošenje Zakona o izmjenama i dopunama Zakona o geološkim istraživanjima sadržan je u članu 13. stav (1) tačka i) i članu 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04 i 6/13).

RAZLOZI ZA DONOŠENJE

Zavod za planiranje razvoja Kantona Sarajevo aktom broj: 04-02-6168/15 dostavio je Ministarstvu privrede Kantona Sarajevo Radni materijal zakona o izmjenama i dopunama Zakona o geološkim istraživanjima ("Službene novine Kantona Sarajevo", broj 41/12).

Ministarstvo privrede Kantona Sarajevo izvršilo je detaljnu analizu navedenog Radnog materijala zakona o izmjenama i dopunama Zakona o geološkim istraživanjima i to analizirajući predložene izmjene i dopune Zakona o geološkim istraživanjima (date u pomenutom radnom materijalu), sa odnosnog tehničkog, pravnog i dr. aspekta, uključujući i analiziranje usklađenosti tih predloženih izmjena i dopuna predmetnog zakona sa Zakonom o geološkim istraživanjima Federacije Bosne i Hercegovine ("Službene novine Federacije BiH", br. 9/10 i 14/10) i drugim odnosnim zakonskim propisima.

Shodno negativnim nalazima pomenute analize zaključeno je da predmetni Radni materijal zakona o izmjenama i dopunama Zakona o geološkim istraživanjima ne može biti osnova za pripremu Prijedloga zakona o izmjenama i dopunama Zakona o geološkim istraživanjima, odnosno predmetni Radni materijal je ocijenjen kao neprihvatljiv. Zbog navedenog, a cijeneći opravdane razloge koji su niže navedeni (dosljedna primjena Zakona o geološkim istraživanjima i potekla inicijativa za otklanjanje administrativnih prepreka u procesu kompletiranja detaljnih geoloških istraživanja u odnosne svrhe), pristupilo se izradi Prijedloga zakona o izmjenama i dopunama Zakona o geološkim istraživanjima ("Službene novine Kantona Sarajevo", broj 41/12).

Naime, Ministarstvo privrede Kantona Sarajevo je izvršilo analizu zaprimljenih zahtjeva za izdavanje odobrenja za geološka istraživanja u skladu sa Zakonom o geološkim istraživanjima, te je na osnovu ove analize zaključilo da je zaprimljen minoran broj zahtjeva (dva nepotpuna zahtjeva) za izdavanje odobrenja za detaljna geološka istraživanja koja se rade u svrhe navedene u članu 8. stav (4) Zakona. To ukazuje na činjenicu da postoji realna mogućnost da su u proteklom periodu bez odobrenja ovog ministarstva vršena detaljna geološka istraživanja koja se rade u svrhe navedene u članu 8. stav (4) Zakona, što nije u skladu sa Zakonom. Zbog toga, ovo ministarstvo će u narednom periodu zahtijevati od Kantonalne uprave za inspekcijske poslove - geološkog inspektora da u zakonom propisanom obuhvatu vrši nadzor nad provođenjem Zakona o geološkim istraživanjima i propisa donesenih na osnovu ovog zakona, jer je za pomenuti nadzor geološki inspektor ovlašten i odgovoran u skladu sa članom 56. Zakona.

S obzirom da će se dosljednom primjenom Zakona o geološkim istraživanjima broj zahtjeva za izdavanje odobrenja za detaljna geološka istraživanja, koja se rade u svrhe navedene u članu 8. stav (4) Zakona enormno uvećati, a imajući u vidu i inicijativu subjekata koja vrše geološka istraživanja koja se odnosi na otklanjanje administrativnih prepreka u procesu kompletiranja detaljnih geoloških istraživanja u predmetne svrhe, Ministarstvo privrede je pripremilo Prijedlog zakona o izmjenama i dopunama Zakona o geološkim istraživanjima ("Službene novine Kantona Sarajevo", broj 41/12) kojim se, prije svega, nadležnost za izdavanje odobrenja za detaljna geološka istraživanja koja se rade u svrhe navedene u članu 8. stav (4) Zakona prenosi sa ovog ministarstva na općinu na čijem području se nalazi istražni prostor, te

kojim su u određenim/odnosnim odredbama Zakona izvršena potrebna preciziranja obaveza, odgovornosti i dr., kao i izvršene ispravke uočenih grešaka, a sve u cilju dosljedne primjene Zakona o geološkim istraživanjima i ubrzanja predmetnog postupka u skladu sa ovim zakonom.

Odredbama člana 158. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst, 15/13, 47/13 i 47/15) propisano je da kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacрта zakona. U skladu sa članom 158. Poslovnika Skupštine Kantona Sarajevo, predlaže se donošenje Zakona o izmjenama i dopunama Zakona o geološkim istraživanjima po skraćenom postupku.

PRAVNA RJEŠENJA

Član 1. - U članu 2. u alineji 1) riječi: "privredno društvo" su zamijenjene sa riječi "subjekt", čime je precizirano da osim privrednog društva može i drugim subjektima biti odobreno geološko istraživanje.

Član 2. - U članu 10. u stavu (1) u tački g) propisano je da se iza riječi "klizišta" dodaju zarez i riječi: "odrona, drugih savremenih egzogenih geoloških procesa", što znači da su geološka istraživanja od interesa za Kanton i geološka istraživanja za potrebe sanacije odrona i drugih savremenih egzogenih geoloških procesa. U stavu (3) je zbog stupanja na snagu novog Zakona o javnim nabavkama promijenjen broj Službenog glasnika BiH i preciziran naziv tog zakona, te je riječ "odobrenja" zamijenjena sa riječi "ugovora" iz razloga što se ugovor dodjeljuje u skladu sa Zakonom o javnim nabavkama.

Član 3. - U članu 19. u stavu (3) propisano je da se riječ "Ministarstva" zamjenjuje riječima: "nadležnog organa iz člana 26. ovog zakona" iz razloga što se nadležnost za izdavanje odobrenja za geološka istraživanja iz člana 19. stav (1) odnosno člana 26. stav (3) prenosi sa Ministarstva privrede na općinu na čijem području se nalazi istražni prostor.

Član 4. - U članu 21. u stavu (1) izmijenjen je broj Službenih novina Federacije BiH, zbog stupanja na snagu novog Zakona o privrednim društvima ("Službene novine Federacije BiH", broj 81/15)".

Član 5. - U članu 22. u stavu (5) brisana je rečenica "Za članove stručne komisije imenuju se i stručne osobe geološke struke iz ministarstva." iz razloga što nije potrebno ograničavati sastav stručne komisije na ovaj način. U stavu (6) brojevi "21." i "55." se brišu jer je imenovanje stručnih komisija navedenih u čl. 21. i 55. Zakona o geološkim istraživanjima Federacije Bosne i Hercegovine ("Službene novine Federacije BiH", br. 9/10 i 14/10), u nadležnosti federalnog ministra a ne u nadležnosti kantonalnog ministra.

Član 6. - U članu 26. u stavu (3) propisano je da odobrenje za istraživanje u svrhe navedene u članu 8. stav (4) izdaje općina na čijem području se nalazi istražni prostor. Također, dodaje se novi stav (4) kojim je propisano da u slučaju da se istražni prostor nalazi na području dvije ili više općina, istraživanje iz člana 26. stav (3) vrši se na osnovu odobrenja Ministarstva.

Član 7. - U članu 27. u stavu (1) izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26. U stavu (3) u tački d) se ispravlja uočena greška u riječi "projekt".

Član 8. - U članu 28. u st. (5) i (7) izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26. Također, dodaje se novi stav (8) kojim je propisano da općina koja je izdala odobrenje za geološka istraživanja dostavlja i Ministarstvu privrede dva primjerka ovog odobrenja.

Član 9. - U članu 33. brisane su riječi: "ili investitor tih radova" iz razloga da se precizno odredi obveznik koji prijavljuje početak geoloških istražnih radova, a to je privredno društvo ili javna

ustanova koja vrši geološka istraživanja. Također, izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26.

Član 10. - U članu 40. u st. (1), (2) i (3) izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26.

Član 11. - U članu 46. u st. (1), (2), (3) i (4) izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26.

Član 12. - U članu 47. u st. (1), (2) i (3) izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26. i preciziranje obveznika koji prijavljuje privremenu obustavu geoloških istražnih radova, a to je privredno društvo ili javna ustanova koja vrši geološka istraživanja. U st. (4), (5) i (6) izvršeno je preciziranje obveznika koji prijavljuje privremenu obustavu geoloških istražnih radova, a to je privredno društvo ili javna ustanova koja vrši geološka istraživanja.

Član 13. - U članu 48. u stavu (2) izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26. i preciziranje obveznika koji prijavljuje trajnu obustavu izvođenja geoloških istražnih radova, a to je privredno društvo ili javna ustanova koja vrši geološka istraživanja.

Član 14. - U članu 54. u stavu (3) izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26.

Član 15. - U članu 56. u stavu (2) promijenjen je broj Službenih novina Federacije BiH zbog stupanja na snagu novog Zakona o inspekcijama Federacije Bosne i Hercegovine ("Službene novine Kantona Sarajevo", broj 73/14) i preciziran naziv tog zakona.

Član 16. - U članu 59. u stavu (4) izvršeno je usaglašavanje sa novim Zakonom o inspekcijama Federacije Bosne i Hercegovine i preciziran naziv tog zakona.

Član 17. - U članu 74. u stavu (1) u tački a) izvršeno je usaglašavanje sa izmjenama u pogledu nadležnosti za izdavanje odobrenja za geološka istraživanja iz člana 26. Također, u stavu (1) izvršeno je brisanje tačke h) jer je privredno društvo ili javna ustanova koja vrši geološka istraživanja obaveznik prijavljivanja početka istražnih radova, kako je i propisano članom 33.

Član 18. - U članu 75. u stavu (1) u tački h) broj "46." zamijenjen je brojem "33." i brisane su riječi: "stav (1)" iz razloga što je obaveza iz člana 46. stav (1) obaveza privrednog društva-investitora, a obaveza iz člana 33. je obaveza privrednog društva ili javne ustanove koja vrši geološka istraživanja.

Član 19. - Propisano je stupanje na snagu ovog zakona.

FINANSIJSKA SREDSTVA

Za provođenje ovog zakona nisu potrebna dodatna finansijska sredstva u Budžetu Kantona Sarajevo.



KANTON SARAJEVO
Ured za zakonodavstvo
Vlade Kantona Sarajevo

CANTON SARAJEVO
Office for legislature of Sarajevo Canton
Government

secretary

Broj: 09-02-3678/16
Sarajevo, 10.02.2016. godine

KANTON SARAJEVO
MINISTARSTVO PRIVREDE

PREDMET: Stručno mišljenje na prijedlog Zakona o izmjenama i dopunama Zakona o geološkim istraživanjima.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i čl. 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje slijedeće

MIŠLJENJE

1. Dostavljeni prijedlog Zakona o izmjenama i dopunama Zakona o geološkim istraživanjima (u daljem tekstu: prijedlog Zakona) je najvećim dijelom usklađen sa odredbama Zakona o geološkim istraživanjima Federacije Bosne i Hercegovine ("Službene novine Federacije Bosne i Hercegovine", br. 9/10 i 14/10-Ispravka) (u daljem tekstu: federalni Zakon).

U odnosu na odredbe federalnog Zakona, dostavljeni tekst prijedloga Zakona sadrži drugačija pojedina pravna rješenja, i to kako slijedi:

a) u članu 1. prijedloga Zakona daje se šire značenje i defmisanje pojma "privrednog društva-investitor", u odnosu na član 2. alineja 1) federalnog Zakona, na način da se umjesto pojma "privredno društvo", koristi širi pojam "subjekt", iz razloga koji su navedeni u obrazloženju prijedloga Zakona.

Prihvatanje navedenih razloga u isključivoj je nadležnosti Vlade, odnosno Skupštine Kantona Sarajevo.

b) u članu 6. prijedloga Zakona, predlaže se nadležnost opština da umjesto Ministarstva daju odobrenja za pojedina detaljnja geološka istraživanja koja se rade u svrhe navedene u članu 8. stav (4) osnovnog teksta kantonalnog Zakona, dok je odredbama člana 26. federalnog Zakona propisana nadležnost kantonalnog ministarstva.

S tim u vezi, odredbama čl. VI.2. Ustava Federacije Bosne i Hercegovine i člana 36. Ustava Kantona Sarajevo, propisano je da Kanton može prenijeti svoja ovlaštenja i nadležnosti na opštinu i grad na svojoj teritoriji posebnim propisom.



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1



Odredbama člana 10. Zakona o principima lokalne samouprave u Federaciji Bosne i Hercegovine propisano je da poslovi federalnih i kantonalnih vlasti mogu biti povjereni jedinici lokalne samouprave zakonom nakon konsultovanja organa lokalnih vlasti kojima se navedeni poslovi povjeravaju, uzimajući u obzir princip supsidijarnosti i sposobnosti lokalnih vlasti i njihove administracije da te poslove efikasno obavljaju.

S tim u vezi, mišljenja smo da je potrebno izvršiti potrebne konsultacije sa jedinicama lokalne samouprave vezano za prenos poslova iz člana 6. prijedloga Zakona, te u tom smislu se preporučuje da se predmetni Zakon pripremi u formi nacрта, kako bi se ispunile zakonske pretpostavke vezano za konsultacije i zaštitu prava jedinica lokalne samouprave.

Odluka po ovom pitanju u isključivoj je nadležnosti Vlade, odnosno Skupštine Kantona Sarajevo.


2. Primjedbe normativno-tehničke prirode:

- u članu 5. obilježiti stavove (1) i (2), te preformulisati stav (2) na jasniji način.

3. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), te se isti može razmatrati na jednoj od narednih sjednica Vlade Kantona Sarajevo, uz preporuku da se materijal dopuni sa mišljenjem Ministarstva finansija, kao i sa osnovnim tekstom kantonalnog Zakona o geološkim istraživanjima kako bi članovi Vlade i zastupnici u Skupštini Kantona Sarajevo lakše mogli pratiti predložene izmjene i dopune navedenog Zakona.

Dostaviti:

1. Naslovu
2. Evidencija
3. Arhiva



SECRETAR

Ahmed Ljubović, dipl.pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1





10-02-2016

1021

sekretar

Broj: 03-04-02-3679/16
Sarajevo, 10.02.2016.godine

MINISTARSTVO PRIVREDE
gosp. Muharem Šabić, ministar

PREDMET: Prijedlog Zakona o izmjenama i dopunama Zakona o geološkim istraživanjima, mišljenje –
VEZA: Vaš akt broj 07-04-02-31892-03/15 od 04.02.2016. godine

Postupajući po vašem aktu, broj i datum gornji, a u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12 i 8/15) i člana 7. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11, 30/11 i 23/15), Ministarstvo pravde i uprave razmotrilo je prijedlog ovog zakona i daje slijedeće

MIŠLJENJE

Prijedlog Zakona o izmjenama i dopunama Zakona o geološkim istraživanjima je propis kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

Napominjemo da pitanje koje se tretira dostavljenim prijedlogom zakona (prenošenje nadležnosti sa Kantona na općine u pogledu poslova izdavanja odobrenja za geološka ispitivanja) je obuhvaćeno Evropskom poveljom o lokalnoj samoupravi, koja propisuje u članu 4. st. (5) i (6):

„(5) U slučajevima prenošenja ovlasti sa centralnih i regionalnih, na lokalne vlasti, lokalnim vlastima će, u što je moguće većoj mjeri, biti dozvoljeno da prilagođavaju njihovu provedbu lokalnim uvjetima

(6) Lokalne vlasti će biti konsultirane, u najvećoj mogućoj mjeri, i bit će im dozvoljeno da prilagođavaju njihovu provedbu lokalnim uvjetima“.

Imajući u vidu izneseno, a posebno ukazujući na dosadašnju praksu i stav Ustavnog suda FBiH u pogledu zaštite prava na lokalnu samoupravu jedinica lokalne samouprave, mišljenja smo da ovaj prijedlog zakona treba da se vrati u formu nacрта i uputi jedinicama lokalne samouprave na konsultacije.

S poštovanjem,

Dostaviti:
1. Naslovu;
2. a/a.



MINISTAR

Mario Nenadić



Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-02- 3677 /16
Sarajevo, 09.02.2014.god.

MINISTARSTVO PRIVREDE

O v d j e

PREDMET: Mišljenje

veza: Vaš broj: 07-04-02-31892-04/15 od 04.02.2016. god.

U skladu sa članom 3. stav (4) Uredbe o postupku i načinu pripreme, izrade i dostavljanja propisa („Službene novine Kantona Sarajevo“, br.21/11- Prečišćeni tekst i 30/11-Ispravka) po zahtjevu Ministarstva privrede za mišljenje na Prijedlog zakona o izmjenama i dopunama Zakona o geološkim istraživanjima dajemo slijedeće m i š l j e n j e:

Prijedlog zakona o izmjenama i dopunama Zakona o geološkim istraživanjima nije u suprotnosti sa propisima iz oblasti finansija.

U Budžetu Kantona Sarajevo za 2016. godinu, u razdjelu Ministarstva privrede, na poziciji 614300 IAN032-Izrada geoloških podloga za eksploataciona koncesiona polja planirana su sredstva u iznosu 20.000 KM. Kako Ministarstvo privrede u obrazloženju Prijedlogu zakona navodi da za provođenje istog nisu potrebna dodatna finansijska sredstva iz Budžeta, Ministarstvo finansija nema primjedbi na predloženi zakon.

Pripremila- Avdić Z 



MINISTAR


dr. Jasmin Halebić



web: <http://mf.ks.gov.ba>
e-mail: min.finansija@ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62





Broj : M- 48/2016
Sarajevo, 10.02.2016. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede
Veza Vaš broj: 07-04-02-31892-05/15

Predmet: Mišljenje na Prijedlog Zakona o izmjenama i dopunama Zakona o geološkim istraživanjima


Poštovani,

Dana 09.02.2016. godine ovom Pravobranilaštvu je putem fax-a stigao zahtjev, za davanje pravnog mišljenja na Prijedlog Zakona o izmjenama i dopunama Zakona o geološkim istraživanjima.

Dostavljenim prijedlogom Zakona o izmjenama i dopunama Zakona o geološkim istraživanjima, između ostalog predviđena je i izmjena u pogledu preciziranja subjekta kome se odobrava geološko istraživanje, pa je predviđeno da se riječi "privredno društvo" zamjene sa riječi "subjekt", čime se znatno proširuje krug lica kojima se može izdati navedeno odobrenje.

U tom smislu, sugerišimo da bi predviđena izmjena bila u direktnoj suprotnosti sa Zakonom o geološkim istraživanjima Federacije Bosne i Hercegovine (Službene novine Federacije Bosne i Hercegovine broj: 9/10 i 14/10), koji isključivo predviđa : "privredno društvo i javnu ustanovu" kojima jedino mogu biti izdata predmetna odobrenja, te Vas posebno podsjećamo na član 83. navedenog Zakona koji nalaže usaglašenost kantonalnih propisa sa istim.

U djelu koji se odnosi na prijenos dijela nadležnosti iz postojećeg Zakona o geološkim istraživanjima Kantona Sarajevo ("Službene novine Kantona Sarajevo" broj: 41/12) i to u dijelu koji se odnosi na izdavanje odobrenja za geološka istraživanja iz člana 19. stav (1), odnosno člana 26. stav (3), sa Ministarstva privrede Kantona Sarajevo na Općine na čijem području se vrše predmetna istraživanja, želimo napomenuti da se radi o zajedničkoj nadležnosti Kantona i Federacije Bosne i Hercegovine koja je ustanovljena ustavima i Federacije BiH i Kantona Sarajevo.



<http://pb.ks.gov.ba>, e-mail: pb@pb.ks.gov.ba
Tel/fax: +387(0)33 214-033, +387(0)33 666-614 +387(0)33 226-024
Sarajevo, Branilaca Sarajeva 21

Za izdavanje predmetnih odobrenja utvrđena je nadležnost resornog Ministarstva Kantona i to na osnovu člana 26. stav (4) Zakona o geološkim istraživanjima Federacije Bosne i Hercegovine (Službene novine Federacije Bosne i Hercegovine broj: 9/10 i 14/10).

Ustavom Federacije Bosne i Hercegovine i to na osnovu člana V. 2. stav (2), kao i Ustavom Kantona Sarajevo ("Službene novine Kantona Sarajevo" broj: 1/96, 2/96, 3/96, 16/97, 14/00, 4/01, 28/04 i 6/13) i to članom 15. stav (1), predviđena je mogućnost prenosa nadležnosti, kao i ovlaštenja iz okvira svoje nadležnosti sa Kantona na Općine i to između ostalog i u slučaju "lokalnog poslovanja", što se po mišljenju ovog Pravobranilaštva može odnositi i na predviđenu izmjenu Zakona u ovom dijelu, jer se radi o izdavanju odobrenja za detaljna geološka istraživanja u slučajevima navedenim u članu 8. stav (4) Zakona o geološkim istraživanjima Kantona Sarajevo ("Službene novine Kantona Sarajevo" broj: 41/12).


U preostalom dijelu Prijedloga Zakona o izmjenama i dopunama Zakona o geološkim istraživanjima nemamo daljih sugestija niti primjedbi.

Za sve dodatne informacije stojimo na raspolaganju.

S poštovanjem,

PRAVOBRANILAC KANTONA SARAJEVO

Kemal Karić



<http://pb.ks.gov.ba>, e-mail: pb@pb.ks.gov.ba
Tel/fax: +387(0)33 214-033, +387(0)33 666-614 | 387(0)33 226-024
Sarajevo, Branilaca Sarajeva 21



SLUŽBENE NOVINE

KANTONA SARAJEVO

Godina XVII – Broj 41

Petak, 21. septembra 2012. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) i člana 30. stav 2. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 46. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Skupština Kantona Sarajevo na sjednici održanoj dana 19.09.2012. godine, donijela je

ZAKON

O IZMJENI ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO

Član 1.

(Izmjena poslova tehničke inspekcije)

U Zakonu o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12 - Prečišćeni tekst) u članu 20. stav 2. tačka l) mijenja se i glasi:

"l) tehnička inspekcija (elektroenergetska inspekcija, termoelektroenergetska inspekcija, rudarska inspekcija i geološka inspekcija);".

Član 2.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-25512/12
19. septembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu čl. 13 (i) i 18 (b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 83. Zakona o geološkim istraživanjima Federacije Bosne i Hercegovine ("Službene novine Federacije BiH", br. 9/10 i 14/10), Skupština Kantona Sarajevo, na sjednici održanoj dana 19.09.2012. godine donijela je

ZAKON

O GEOLOŠKIM ISTRAŽIVANJIMA

I - OPĆE ODREDBE

Član 1.

(Predmet zakona)

Ovim zakonom ureduju se: geološka istraživanja iz nadležnosti Kantona Sarajevo (u daljem tekstu: Kanton), faze izvođenja geoloških istraživanja, geološka istraživanja od interesa za Kanton, djelatnosti koje koriste rezultate geoloških istraživanja, istražni prostor, izrada i revizija geološke dokumentacije, odobrenje za bavljenje registrovanom djelatnošću iz oblasti geologije, postupak odobravanja rezervi mineralne sirovine, postupak nakon završetka istraživanja, ukidanje odobrenja za geološka istraživanja, inspeksijski nadzor, upravni nadzor i kaznene odredbe.

Član 2.

(Definicije)

Izrazi upotrijebljeni u ovom zakonu imaju slijedeća značenja:

- 1) "privredno društvo - investitor" je privredno društvo kojem je u skladu sa ovim zakonom odobreno da ulaganjem vlastitih sredstava osigura geološka istraživanja na istražnom ili eksploatacionom prostoru;
- "privredno društvo ili javna ustanova" je stručna institucija koja se bavi geološkim istraživanjima i koja je registrirana za obavljanje djelatnosti iz oblasti geoloških istraživanja u skladu sa ovim i drugim zakonom;
- "inspektor" je geološki inspektor koji nadzire provođenje ovog zakona;
- "istražni prostor" je dio terena gdje se vrše projektovana geološka istraživanja, koji je na topografskoj osnovi definiran granicama koje prolaze kroz konturne tačke sa tačno određenim koordinatama i prostire se u dubinu zemlje između vertikalnih ravni položenih kroz ucrtane strane istražnog prostora za koje je izdato odobrenje za istraživanje u skladu sa ovim zakonom;
- "eksploatacijsko polje" je polje ograničeno prirodnim ili vještačkim granicama koje se prostire do određene dubine zemlje između vertikalnih ravni položenih kroz te granice

gdje se radovi eksploatacije mogu izvoditi na osnovu izdate dozvole za eksploataciju;

- "mineralne sirovine" su sve organske i neorganske mineralne sirovine koje se nalaze u čvrstom, tečnom i gasovitom stanju, u primarnom obliku (ležištu) ili u nanosima, jalovištima, topioničkim troskama i prirodnim rastvorima;
- "geološka dokumentacija" su programi i projekti geoloških istraživanja, izvještaji i elaborati o izvršenim geološkim istraživanjima;
- "odobrenje za izvođenje geoloških istraživanja" je rješenje kojim nadležni organ uprave u skladu sa ovim zakonom odobrava privrednom društvu - investitoru da na određenom istražnom prostoru, pod uslovima određenim rješenjem može vršiti izvođenje geoloških istražnih radova;
- "rješenje o potvrđivanju količine i kvaliteta mineralnih sirovina" je rješenje koje Ministarstvo privrede Kantona Sarajevo (u daljnjem tekstu: Ministarstvo) izdaje po zahtjevu privrednog društva - investitora, u skladu sa ovim zakonom a na osnovu rezultata provedenih geoloških istraživanja i utvrđenih količina i kvaliteta mineralnih sirovina;
- "odobrenje za obavljanje djelatnosti iz oblasti geoloških istraživanja" je rješenje - licenca kojom Federalno ministarstvo energije, rudarstva i industrije (u daljem tekstu: Federalno ministarstvo) potvrđuje da privredno društvo ili javna ustanova ispunjava zakonom propisane uslove za obavljanje djelatnosti iz oblasti geologije - izrade geološke dokumentacije i korištenja laboratorije - postrojenja i opreme za geološka istraživanja;
- "GDS" je geološko - dokumentacijski sistem koji je dio općeg geoinformacijskog sistema baziran na savremenim geoinformacijskim tehnologijama.

Član 3.

(Mineralne sirovine u smislu ovog zakona)

Mineralnim sirovinama u smislu ovog zakona smatraju se:

- a) nemetalne mineralne sirovine: abrazivi, azbesti, barit, bentonit, bijeli boksit, cementin laporci, dijamin, dolomit, feldspat, fluorit, gips, grafit, kreča, krečnjak, silicijske sirovine, keramičke i vatrostalne gline, keramziti, škriljci, liskuni, magneziti, opekarske gline, pirofiliti, sumpor, tuf, talk, tehničko - građevinski kamen, arhitektonsko - građevinski kamen, ukrasno i poludrago kamenje, šljunak i pijesak za građevinarstvo izvan vodenih tokova;
- b) sve sekundarne mineralne sirovine koje se pojavljuju kao neiskorišteni ostatak dobijanja, obogaćivanja i prerade primarnih mineralnih sirovina i
- c) sve nenabrojane mineralne sirovine prirodnog porijekla koje nisu u nadležnosti Federacije Bosne i Hercegovine.

Član 4.

(Upravljanje mineralnim sirovinama)

Upravljanje mineralnim sirovinama iz člana 3. ovog zakona vrši Ministarstvo.

II - GEOLOŠKA ISTRAŽIVANJA

Član 5.

(Geološka istraživanja u smislu ovog zakona)

- (1) Pod geološkim istraživanjima u smislu ovog zakona, podrazumijevaju se istraživanja i ispitivanja koja se vrše s ciljem: upoznavanja evolucije sastava i grade zemljine kore; izrade geoloških karata; prognoziranja, pronalaženja i utvrđivanja ležišta mineralnih sirovina tj. količina, kvalitet i

geološko - ekonomski efekti iskorištenja čvrstih, tečnih i gasnih mineralnih sirovina; utvrđivanja geoloških i geomehnačkih osobina stijena i tla; utvrđivanje geoloških uslova za prostorno planiranje i projektovanje građevinskih i rudarskih objekata, zaštita terena od erozije, klizišta, zemljotresa, poplava i drugih prirodnih nepogoda i geološka istraživanja i ispitivanja u cilju zaštite okoliša na prostoru Kantona.

- (2) Geološka istraživanja iz stava (1) ovog člana obuhvataju izvođenje sljedećih specijalističkih istražnih radova: općih geoloških, paleontoloških, stratigrafskih, sedimentoloških, mineraloško - petrografskih, geohemijskih, geofizičkih, metalogenetskih, ekonomsko - geoloških, strukturalno - geoloških, inženjersko - geoloških, hidrogeoloških, seizmoloških, geomorfoloških, geodinamičkih, geobotaničkih, fotogeoloških, geostatističkih, hemijsko - tehnoloških i drugih istražno - geoloških radova i ispitivanja.

Član 6.

(Faze geoloških istraživanja)

Osnovne faze geoloških istraživanja su:

- a) regionalna geološka istraživanja;
- b) detaljna geološka istraživanja i
- c) eksploatacijska geološka istraživanja.

Član 7.

(Regionalna geološka istraživanja)

- (1) Regionalna geološka istraživanja slijede fazu fundamentalnih istraživanja, a izvode se sa ciljem provjere potencijalne mineralne sirovine do nivoa C1 kategorije sa bitnim pokazateljima za fazu detaljnih geoloških istraživanja i za proučavanje hidrogeoloških i inženjersko - geoloških karakteristika na određenom širem prostoru.
- (2) Podaci istraživanja iz stava (1) ovog člana i člana 6. ovog zakona čine podlogu za programiranje i projektovanje detaljnih geoloških istraživanja.

Član 8.

(Detaljna geološka istraživanja)

- (1) Detaljna geološka istraživanja mineralne sirovine vrše se na prostoru gdje je osnovnim i regionalnim geološkim istraživanjima utvrđeno prisustvo ili mogućnost postojanja potencijalne mineralne sirovine. Na osnovu ovih istraživanja utvrđuje se položaj, količina, kvalitet i mogućnost eksploatacije istražene mineralne sirovine.
- (2) Detaljna geološka istraživanja izvode se sa ciljem proučavanja i ispitivanja detaljnih geoloških, tektonskih, metalogenetskih, hidrogeoloških, geotermalnih, inženjersko - geoloških, geofizičkih, seizmoloških, mehaničkih i drugih geoloških svojstava stijena i tla na užem prostoru i višem stepenu poznavanja geološke grade područja.
- (3) Poseban vid detaljnih geoloških istraživanja je formiranje zbirki minerala, ruda, stijena i fosila u cilju naučnog ili stručnog usavršavanja, obrazovanja, izlaganja ili čuvanja u verifikovanim (mjerodavnim) institucijama kao što su muzeji, instituti i fakulteti.
- (4) Detaljna geološka istraživanja tla i stijena obavezno se vrše prije izrade tehničke dokumentacije za:
 - a) izgradnju regionalnih puteva i pratećih objekata (potpomihi konstrukcija, propusta i sl.);
 - b) izgradnju tunela;
 - c) izgradnju regionalnih objekata vodosnabdijevanja;
 - d) izgradnju objekata za prečišćavanje otpadnih voda za gradska naselja;
 - e) izgradnju regionalnih kanalizacionih sistema;

- f) izgradnju tranzitnih i glavnih telefonsko - telegrafskih centrala i njima pripadajućih postrojenja i veza između tih centrala;
- g) izgradnju objekata u kojima se sakuplja veći broj lica (pozorišne, bioskopske, sportske, izložbene i slične dvorane), fakulteta, instituta, škola i predškolskih ustanova, bolnica, stadiona, hotela, poslovnih i stambenih objekata površine više od 1.000 m² i objekata koji imaju četiri i više nadzemnih etaža, autobuskih i željezničkih stanica;
- h) izgradnju vjerskih objekata;
- i) izgradnju silosa i vodotornjeva svih vrsta;
- j) izgradnju hala svih tipova (industrijske, privredne, sportske i dr.);
- k) izgradnju drumskih, željezničkih i pješačkih mostova;
- l) izgradnju sanitarnih deponija otpadaka i postrojenja za tretman čvrstog otpada;
- m) izgradnju svih vrsta industrijskih objekata;
- n) izgradnju stanica i postrojenja za uskladištenje i pretakanje goriva motornih vozila;
- o) izgradnju svih vrsta stambenih i poslovnih objekata površine više od 1.000 m² i objekata koji imaju četiri i više nadzemnih etaža, industrijskih i infrastrukturnih objekata u zonama IDŽ i više seizmičnosti po MCS skali (Mercalli - Cancani - Siebergova skala, kao i za sve vrste trajnih objekata na uvjetno stabilnim terenima prema opće važećim inženjersko - geološkim kriterijima);
- p) izgradnju sistema za meliorizaciju;
- r) prostorno i urbanističko planiranje, a za nivoe za koje su potrebne podloge razmjere 1: 10.000 i krupnije;
- s) regulaciju vodotoka;
- t) sanaciju klizišta.

Član 9.

(Eksploatacijska geološka istraživanja)

- (1) Eksploatacijska geološka istraživanja obuhvataju geološko - rudarske istražne radove za potrebe racionalne eksploatacije mineralne sirovine, zaštiti i osiguranje radne sredine, zaposlenika, opreme i objekata u eksploatacijskom prostoru.
- (2) Istražni radovi iz stava (1) ovog člana izvode se sa ciljem:
 - a) praćenja sastava i provjere kvaliteta mineralne sirovine projektovane za eksploataciju;
 - b) doistraživanja novih količina mineralne sirovine prekategorijske iz nižih u višu kategoriju u cilju obnavljanja rezervi A + B kategorije u ležištu;
 - c) praćenja kontinuiteta rasprostiranja mineralne sirovine u geološkoj sredini uz evidentiranje svih tektonskih struktura;
 - d) snimanje i prikupljanje podataka o hidrogeološkim uslovima radi poduzimanja zaštitnih mjera od prodora podzemnih voda u jamske prostorije ili odvodnjavanje površinskih kopova i
 - e) permanentnog snimanja i praćenja stanja geološke sredine sa napredovanjem rudarskih radova u jamskim površinskim rudarskim objektima u cilju zaštite radne sredine i nesmetanog odvijanja eksploatacije u ležištu.
- (3) Privredna društva - investitor koji vrši eksploataciju mineralne sirovine obavezan je izvoditi istraživanja iz st. (1) i (2) ovog člana i na osnovu navedenih istražnih radova izradivati geološke planove i detaljne geološke karte eksploatacionog polja.

Član 10.

(Geološka istraživanja od interesa za Kanton)

- (1) Geološka istraživanja od interesa za Kanton su:
 - a) regionalna, detaljna i eksploatacijska geološka istraživanja tla, stijena i mineralnih sirovina koja su odlukom Vlade Kantona Sarajevo (u daljnjem tekstu: Vlade Kantona) utvrđena od interesa za Kanton;
 - b) izrada geoloških karata;
 - c) izrada geološke dokumentacije utvrđene odlukom Vlade Kantona;
 - d) izrada i vođenje geološkog katastra;
 - e) geološka istraživanja radi zaštite okoliša;
 - f) vođenje i čuvanje podataka značajnih za geološko informacijski sistem;
 - g) geološka istraživanja za potrebe sanacije klizišta i poplavnih površina i
 - h) geološka istraživanja za potrebe izrade prostorno - planske dokumentacije.

- (2) Odluku o istraživanju iz stava (1) ovog zakona donosi Vlada Kantona na prijedlog Ministarstva.

- (3) Postupak dodjele odobrenja za istraživanje iz stava (2) ovog člana vrši se u skladu sa javnim nabavkama Bosne i Hercegovine ("Službeni glasnik BiH", br. 49/04, 19/05, 52/05, 92/05, 8/06, 24/06, 70/06 i 12/09). Način i uslovi dodjele odobrenja za geološka istraživanja iz stava (1) ovog člana propisat će se pravilnikom koji donosi Ministar privrede Kantona Sarajevo (u daljnjem tekstu: Ministar).

Član 11.

(Djelatnosti koje koriste rezultate geoloških istraživanja)

- (1) Geološka istraživanja čine obavezne podloge u sljedećim djelatnostima:
 - a) prostorno uređenje - izrada prostorno - planske dokumentacije i zaštita okoliša;
 - b) utvrđivanje planskih osnova za upravljanje vodama (vodoprivredne osnove) za podzemne vode;
 - c) upravljanje i razvoj poljoprivrednog zemljišta, zemljišta za uzgoj šuma i zaštita tla od erozija i sprečavanje poplava;
 - d) utvrđivanje uslova gradnje nadzemnih i podzemnih građevina (energetskih, vodoprivrednih, saobraćajnih i infrastrukturnih) na prostoru za građenje i
 - e) urbanizacija i utvrđivanje korištenja i zaštite prirodnih resursa i zaštite sredina vezanih uz zemljišnu koru.
- (2) Korištenje geoloških podataka kao podloge za izradu projekata, planova i druge dokumentacije za aktivnosti u djelatnostima iz stava (1) ovog člana vrši se na osnovu prethodno pribavljenog stručnog mišljenja Federalnog zavoda za geologiju (u daljnjem tekstu: Federalni zavod).

Član 12.

(Izrada geoloških karata)

Izrada geoloških karata različitih razmjera vrši se u cilju izrade osnovne naučne podloge za poznavanje geološkog sastava i strukture određenog terena, sukcesije stvaranja stijena i stepena njihovog poremećaja kroz evolucije zemljine kore, te zakonomjernosti razmještaja i koncentracije mineralne sirovine, izučavanja i upravljanja podzemnim vodama s ciljem rješavanja naučnih i stručnih problema iz područja egodinamičkih procesa i mehaničkih svojstava stijena i drugih naučnih podloga.

Član 13.

(Podjela geoloških karata prema sadržaju)

Geološke karte iz člana 12. ovog zakona prema sadržaju dijele se na:

- a) opće geološke karte koje prikazuju opće geološke podatke: sastav, starost i strukturu gradu terena;
- b) specijalne ili namjenske geološke karte koje uz opće geološke podatke prikazuju i elemente relevantne za neku geološku disciplinu, a to su: strukturne, paleogeografske,

neotektonske, geofizičke, seizmološke, hidrogeološke, inženjersko - geološke, geotermalne, metalogenetske, geohemijske, karte mineralnih sirovina, karte geoloških osnova zaštite okoliša i druge karte i njihove oleate koje prikazuju određena geološka svojstva.

Član 14.

(Podjela geoloških karata prema razmjeri)

- (1) Geološke karte iz člana 13. ovog zakona prema razmjeri dijele se na:
 - a) detaljne geološke karte i geološke planove u razmjeri krupnijoj od 1:10 000;
 - b) osnovne geološke karte - razmjere od 1:100 000 do 1:10 000 i
 - c) pregledne geološke karte - razmjere sitnije od 1:100 000.
- (2) Geološke karte izrađuju se u odgovarajućem razmjeru u zavisnosti od potreba i namjene korištenja sa finalnim prikazom u GIS (geografsko - informacijski sistem) informatičkoj tehnologiji i izradom geološko - informacijskog sistema koji se sastoji od grafičkih podloga i geoloških baza podataka.

III - ISTRAŽNI PROSTOR

Član 15.

(Istražni prostor)

- (1) Istražni prostor definisan u programu ili projektu geoloških istraživanja ograničen je koordinatama prelomnih tačaka na topografskoj osnovi u razmjeri do 1:25.000 i može biti prostor za istraživanje:
 - a) čvrstih mineralnih sirovina;
 - b) tla i stijena;
 - c) svih vrsta podzemnih voda;
 - d) geotermalne energije;
 - e) nafte, bituminoznih i uljnih stijena i gasova.
- (2) Odobrenje za istraživanje na određenom istražnom prostoru dodjeljuje se privrednom društvu - investitoru u skladu sa važećim zakonima.
- (3) Geološka istraživanja mineralne sirovine dopuštena su samo unutar odobrenog istražnog prostora.
- (4) Prelomne tačke koje ograničavaju istražni prostor na terenu, detaljnih i geoloških istraživanja za mineralne sirovine moraju biti obilježene betonskim markerima dimenzija 20x20x80cm, sa oznakom "IP" na čeonj površini markera. Istražni prostor za detaljna geološka istraživanja u ostale svrhe se mora ograničiti odgovarajućom trakom, zaštitnom ogradom i tablama upozorenja.

Član 16.

(Prostor gdje nisu dozvoljena geološka istraživanja mineralne sirovine)

Geološka istraživanja u cilju eksploatacije mineralne sirovine nisu dozvoljena na prostoru gdje se nalaze vodoprivredni objekti i uređaji za vodosnabdijevanje, objekti i prostori značajni za odbranu, spomenici kulture, prirodne rijetkosti, groblja i prostori zaštićeni u skladu sa drugim zakonima.

IV - VOĐENJE KATASTRA

Član 17.

(Katastar odobrenih istražnih prostora, ležišta mineralnih sirovina i geoloških pojava)

- (1) Ministarstvo vodi evidenciju i katastar odobrenih istražnih prostora za odobrenja izdata na području Kantona.

- (2) Ministarstvo je obavezno po donošenju rješenja, dostaviti Federalnom ministarstvu rješenje o odobrenom istražnom prostoru iz stava (1) ovog člana.
- (3) Način vođenja evidencije i katastra odobrenih istražnih prostora, ležišta mineralnih sirovina i katastra geoloških pojava na području kantona propisuje se pravilnikom koji donosi Ministar.

V - IZRADA I REVIZIJA GEOLOŠKE DOKUMENTACIJE, ODOBRENJE ZA BAVLJENJE REGISTROVANOM DJELATNOŠĆU IZ OBLASTI GEOLOGIJE

Član 18.

(Tehnička dokumentacija za izvođenje geoloških istraživanja)

- (1) Regionalna geološka istraživanja vrše se na osnovu programa za istraživanje i ispitivanje uradenog od privrednog društva ili javne ustanove koja ispunjava uslove propisane članom 21. ovog zakona.
- (2) Detaljna i eksploatacijska geološka istraživanja izvode se na osnovu projekta za istraživanje i ispitivanje uradenog od privrednog društva ili javne ustanove koja ispunjava uslove propisane članom 21. ovog zakona.

Član 19.

(Dokumentacija za geološka istraživanja potrebna za građenje stambenih i drugih objekata)

- (1) Detaljna geološka istraživanja tla za građenje stambenih i drugih građevinskih objekata za čiju su izgradnju propisana obavezna geološka istraživanja tla vrše se na osnovu projekta istraživanja čiji se rezultati prezentuju u elaboratu od izvedenim istražnim radovima.
- (2) Za individualne i samostojeće objekte, do tri nadzemne etaže, kao i za standardna geomehanička ispitivanja nije neophodna prethodna izrada projekta istraživanja.
- (3) Istraživanja iz stava (1) ovog člana vrše se na osnovu odobrenja Ministarstva.

Član 20.

(Stručna lica koja se mogu baviti izradom i revizijom geološke dokumentacije i rukovođenjem istražnim geološkim radovima)

- (1) Izradom programa i projekata za regionalna geološka istraživanja, revizijom i rukovođenjem tim istražnim radovima mogu se baviti diplomirani inženjeri geologije sa položenim stručnim ispitom i radnim iskustvom u struci od najmanje pet godina.
- (2) Izradom projekata detaljnih geoloških istraživanja, elaborata o klasifikaciji, kategorizaciji i proračunu rezervi mineralne sirovine, podzemnih voda, revizijom projektne i druge tehničke dokumentacije, te rukovođenjem istražnim radovima mogu se baviti diplomirani inženjeri geologije sa položenim stručnim ispitom i radnim iskustvom u struci od najmanje tri godine.
- (3) Izradom i revizijom projektne, tehničke i druge dokumentacije za eksploataciju geoloških istraživanja i rukovođenjem istražnim radovima mogu se baviti diplomirani inženjeri geologije sa položenim stručnim ispitom i radnim iskustvom od tri godine.
- (4) Pri izradi projektne, tehničke i druge dokumentacije za geološka istraživanja, poslove specijalističkih ispitivanja predviđena projektom dokumentacijom (minerološka, geomehanička, geofizička i dr.) mogu obavljati i stručna lica građevinske, rudarske, hemijske, tehnološke i druge struke u skladu sa ovim zakonom.

Član 21.

(Privredno društvo ili javna ustanova koja se može baviti izradom i revizijom projektne, tehničke i druge geološke dokumentacije i izvođenjem istražnih geoloških radova)

- (1) Izvođenje istražnih geoloških radova, izradu i reviziju projektne, tehničke i druge dokumentacije za geološka istraživanja može vršiti privredno društvo ili javna ustanova registrovana za ovu djelatnost kod mjerodavnoga suda, a koja ima rješenje Federalnog ministarstva o ispunjavanju uslova za bavljenje registriranom djelatnošću iz oblasti geologije, u skladu sa ovim zakonom i Zakonom o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09).
- (2) Privredno društvo ili javna ustanova iz stava (1) ovoga člana u radnom odnosu mora imati najmanje dva uposlenika visoke stručne spreme geološke struke s položenim stručnim ispitom iz člana 55. ovoga zakona i propisanim uslovima za odnosnu fazu geoloških istraživanja iz člana 20. ovog Zakona.
- (3) Postupak dobijanja odobrenja za bavljenje registrovanom djelatnošću iz oblasti geoloških istraživanja provodi se u skladu sa članom 21. Zakona o geološkim istraživanjima (u daljnjem tekstu: Federalni zakon).

Član 22.

(Revizija geološke dokumentacije)

- (1) Programi i projekti geoloških istraživanja obavezno podliježu reviziji u pogledu kvalitete, opravdanosti izvođenja istražnih radova, mjera i normativa zaštite na radu pri izvođenju geoloških istraživanja, utjecaja i zaštite okoliša, utjecaja projektiranih istražnih radova na sigurnost podzemnih i površinskih objekata i ljudi, kao i u pogledu primjene suvremenih metoda i dostignuća geološke znanosti i usaglašenosti s tehničkim propisima, normativima i standardima.
- (2) Reviziju programa, projekata, izvještaja i elaborata o geološkim istraživanjima može vršiti samo privredno društvo ili javna ustanova koja je registrirana za izradu geološke dokumentacije u skladu sa članom 21. ovoga zakona, a koja nije sudjelovala u izradi programa, projekta i izvještaja o geološkim istraživanjima.
- (3) Privredno društvo ili javna institucija koja vrši reviziju programa, projekta i elaborata, kao i stručna osoba koja je vršila reviziju preuzima odgovornost u pogledu izvršene revizije.
- (4) Izvještaji i elaborati o izvršenim geološkim istraživanjima podliježu obaveznoj reviziji u cilju pregleda kvalitete i pouzdanosti podataka i rezultata istraživanja. Reviziju izvještaja i elaborata vrši privredno društvo ili javna ustanova koja je registrirana za izradu geološke dokumentacije u skladu sa ovim zakonom.
- (5) Reviziju izvještaja i elaborata o izvršenim geološkim istraživanjima iz člana 10. ovog zakona vrši stručna komisija koju imenuje Ministar. U stručnu komisiju imenuju se stručna lica geološke struke koje ispunjavaju uslove propisane članom 20. st. (1), (2) i (3) ovoga zakona. Za reviziju dijela izvještaja i elaborata koji se odnose na specijalistička ispitivanja predviđena u članu 20. stav (4) ovog zakona u stručnu komisiju imenuju se stručna lica odgovarajuće struke. Za članove stručne komisije imenuju se i stručne osobe geološke struke iz ministarstva.
- (6) Stručnoj komisiji pripada naknada za rad. Imenovanje, rad i naknada za rad stručne komisije iz čl. 21., 22. stav (5), 42. i 55. ovoga zakona propisuje se pravilnikom koji donosi Ministar u okviru nadležnosti iz člana 26. ovog zakona.

Član 23.

(Akreditacija laboratorije za ispitivanja, uvođenje u proces rada postrojenja, laboratorija i opreme za obavljanje djelatnosti iz oblasti geoloških istraživanja)

- (1) Prije uvođenja u proces rada geomehaničke i druge laboratorije za ispitivanja iz oblasti geoloških istraživanja, privredno društvo ili javna ustanova dužna je izvršiti akreditaciju kod nadležnog instituta za akreditiranje.
- (2) Privredno društvo ili javna ustanova dužna je prije uvođenja u proces rada, odnosno nakon rekonstrukcije postrojenja, laboratorija i opreme za geološka istraživanja pribaviti od Federalnog ministarstva odobrenje o ispunjenosti uslova za upotrebu postrojenja, laboratorija i opreme za obavljanje djelatnosti iz oblasti geoloških istraživanja, u skladu sa članom 21. ovog zakona i Zakonom o privrednim društvima.

Član 24.

(Nostrifikacija geološke dokumentacije)

- (1) Utvrđivanje usklađenosti geološke dokumentacije izrađene prema inozemnim propisima sa ovim zakonom, posebnim zakonima, propisima i normativima donesenim na osnovu zakona i pravila struke (u daljnjem tekstu: nostrifikacija) mora se obaviti za sve faze geoloških istraživanja.
- (2) Nostrifikaciju geološke dokumentacije vrši privredno društvo ili javna ustanova sa područja Federacije registrirana za izradu projektne dokumentacije u skladu sa ovim zakonom. Privredno društvo ili javna ustanova vrši reviziju programa projekata i elaborata u skladu sa članom 22. ovog zakona.
- (3) Privredno društvo ili javna ustanova iz stava (2) ovog člana dužna je izvršiti prijevod projektne dokumentacije na bosanski, hrvatski ili srpski jezik.
- (4) Ovjerom dokumentacije iz stava (1) ovog člana privredno društvo ili javna ustanova odgovara za izvršenu nostrifikaciju, odnosno usklađivanje projektne dokumentacije sa ovim zakonom, kantonalnim zakonima, propisima i normativima donesenim na osnovu zakona i pravila struke.

VI - POSTUPAK ODOBRAVANJA GEOLOŠKIH
ISTRAŽIVANJA

Član 25.

(Uslovi za izvođenje geoloških istraživanja)

- (1) Privredno društvo - investitor može osigurati izvođenje geoloških istraživanja samo na osnovu pribavljenog odobrenja za izvođenja geoloških istraživanja od nadležnog organa iz člana 26. ovog zakona.
- (2) Izradu geološke dokumentacije i izvođenje istražnih geoloških radova može vršiti samo privredno društvo ili javna ustanova koja ispunjava uslove iz čl. 21. i 23. ovog zakona.

Član 26.

(Nadležnosti za izdavanje odobrenja za izvođenje geoloških istraživanja)

- (1) Odobrenje za izvođenje regionalnih i detaljnih geoloških istraživanja za mineralne sirovine iz člana 3. tač. a), b) i c) ovog zakona izdaje Ministarstvo.
- (2) Postupak dodjele odobrenja za istraživanje iz stava (1) ovog člana koje se vrši na osnovu odluke Vlade Kantona iz člana 10. stav (2) ovog zakona propisat će se pravilnikom koji donosi Ministar.
- (3) Detaljna geološka istraživanja koja se rade u svrhu izgradnje objekata pobrojanih u članu 8. stav (4) ovog zakona, vrše se na osnovu odobrenja Ministarstva.

Član 27.

(Zahtjev za izvođenje regionalnih i detaljnih geoloških istraživanja)

- (1) Zahtjev za odobrenje izvođenja geoloških istraživanja podnosi privredno društvo - investitor Ministarstvu u skladu sa članom 26. ovog zakona.
- (2) Zahtjev za izvođenje regionalnih i detaljnih geoloških istraživanja sadrži:
 - a) naziv podnosioca zahtjeva;
 - b) predmet istraživanja;
 - c) vrstu i obim istražnih radova;
 - d) prostor za istraživanje (opis veličine prostora, površina, oblik, morfologija i dr.) i
 - e) vrijeme početka i završetka istraživanja.
- (3) Uz zahtjev iz stava (1) ovog člana prilaže se:
 - a) topografska osnova (list, sekcija 9. u cjelini formata, razmjeri do 1:25 000, za detaljna geološka istraživanja ili razmjeri do 1:100 000 za regionalna geološka istraživanja sa nacrtanim granicama istražnog prostora, određenog koordinatama prelomnih tačaka);
 - b) urbanistička saglasnost za geološka istraživanja definirana programom ili projektom istraživanja, koju izdaje nadležni organ u skladu sa propisima koji uređuju prostorno planiranje i korištenje zemljišta u Kantonu i Federaciji BiH;
 - c) program regionalnih istraživanja ili projekt detaljnih geoloških istraživanja određene mineralne sirovine, podzemnih voda i detaljnih geoloških istraživanja u druge namjene;
 - d) izvještaj o izvršenoj reviziji programa, odnosno projekt istraživanja;
 - e) dokaz o registraciji privrednog društva - investitora sa šiframa djelatnosti koje se odnose na eksploataciju mineralne sirovine za koju se zahtjev podnosi;
 - f) dokaze o upisu u registar društava i odobrenje nadležnog organa za bavljenje registrovanom djelatnošću za privredno društvo ili javnu ustanovu koja je izradila i revidirala projekt geoloških istraživanja;
 - g) saglasnost za obavljanje istražnih radova od vlasnika zemljišta na kojem će se vršiti istraživanje.
- (4) U slučaju da privredno društvo podnese zahtjev za detaljna geološka istraživanja u svrhu eksploatacije mineralnih sirovina obavezno je priložiti i ugovor o koncesiji.

Član 28.

(Vođenje postupka za izdavanje odobrenja za geološka istraživanja)

- (1) Nadležni organ uprave dužan je u postupku izdavanja odobrenja za geološka istraživanja utvrditi da li je program ili projekt geoloških istraživanja izraden u skladu sa pravilnikom o sadržaju programa i projekta geoloških istraživanja i u skladu sa ovim zakonom.
- (2) U postupku izdavanja odobrenja za istraživanje mineralne sirovine Ministarstvo zakazuje usmenu raspravu pozivom na usmenu raspravu u kojem se navodi mogućnost uvida strankama u postupku u podnesenu projektnu dokumentaciju.
- (3) Pod strankama u postupku iz stava (2) ovog člana smatra se pravno lice na čiji zahtjev se vodi postupak izdavanja odobrenja - privredno društvo - investitor koji vrši istraživanje ili eksploataciju, a čije istražno ili eksploataciono polje neposredno graniči sa istražnim poljem za koje se vodi postupak odobrenja, jedinice lokalne samouprave i općina kojoj teritorijalno pripada istražni prostor.
- (4) Poziv na usmenu raspravu dostavlja se strankama u postupku i na oglasnu tablu općine kojoj teritorijalno pripada istražni

prostor, najmanje osam dana od roka usmene rasprave koji je naveden u pozivu.

- (5) Ministarstvo je dužno u roku od 15 dana od dana podnošenja zahtjeva podnosioca pisano pozvati za ispravku podneska ako ne ispunjava propisane uslove za izdavanje odobrenja za geološka istraživanja, odnosno obavijestiti ga o potrebi dopune zahtjeva sa traženim dokumentima.
- (6) Podnosilac zahtjeva dužan je upotpuniti zahtjev u ostavljenom roku, a najkasnije u roku od 15 dana od dana prijema pisane obavijesti.
- (7) Odobrenje za geološka istraživanja je upravni akt koji izdaje Ministarstvo, ako utvrdi da su ispunjeni uslovi propisani ovim zakonom.

Član 29.

(Odbijanje zahtjeva za regionalna i detaljna geološka istraživanja)

- (1) Zahtjev za odobrenje za geološka istraživanja odbit će se rješenjem:
 - a) ako privredno društvo - investitor u roku od 15 dana od zatražene dopune iz člana 28. stav (5) ovog zakona ne upotpuni zahtjev;
 - b) ako privredno društvo - investitor nije registriran kod nadležnog suda i ne ispunjava propisane uslove za izdavanje odobrenja za geološka istraživanja;
 - c) ako se u postupku izdavanja odobrenja utvrdi da bi se istražnim radovima ugrozila sigurnost i zdravlje ljudi i imovine ili ako bi se istražnim radovima ometalo obavljanje drugih djelatnosti;
 - d) ako je drugom privrednom društvu - investitoru već izdato odobrenje na istom istražnom prostoru za istu vrstu mineralne sirovine;
 - e) ako se izvršenom revizijom programa ili projekta zaključi da nije opravdano vršiti istraživanje.
- (2) U postupku izdavanja odobrenja za geološka istraživanja primjenjuju se propisi u upravnom postupku, ukoliko odredbama ovog zakona nije drugačije utvrđeno.

VII - ODOBRENJE ZA GEOLOŠKA ISTRAŽIVANJA

Član 30.

(Odobrenje za geološka istraživanja)

- (1) Odobrenjem za geološka istraživanja određuje se:
 - a) predmet istraživanja;
 - b) naziv privrednog društva - investitora kome je odobreno istraživanje;
 - c) naziv istražnog prostora definiran koordinatama prelomnih tačaka gdje će se izvršiti projektovani obim i vrsta istražnih radova;
 - d) veličina istražnog prostora;
 - e) najmanji obim i vrsta istražnih radova koji se moraju izvršiti;
 - f) najveća količina mineralne sirovine koja se može izvaditi u cilju ispitivanja kvaliteta i hemijsko tehnoloških osobina;
 - g) uslovi i ograničenja kojih se mora pridržavati privredno društvo kojem je odobreno istraživanje pri izvođenju istražnih radova;
 - h) rok do kojeg se mora početi sa istraživanjem;
 - i) rok za podnošenje izvještaja o provedenom istraživanju;
 - j) obaveza dovođenja zemljišta u prvobitno stanje nakon istraživanja.
- (2) Vremenski period izvođenja odobrenih geoloških istraživanja određuje se u skladu sa dinamikom predviđenom programom ili projektom geoloških istraživanja.
- (3) Važenje odobrenja za geološka istraživanja može se, na zahtjev privrednog društva - investitora, produžiti za još jedan

period naznačen u odobrenju, ako se nisu promijenili uslovi u skladu sa kojima je izdato odobrenje za istraživanje i ukoliko je izvedeno više od 50% projektovanih istražnih radova.

Član 31.

(Odobrenje za geološka istraživanja za proširenje eksploatacijskog polja)

- (1) Za izvođenje geoloških istraživanja za mineralnu sirovinu na već odobrenom istražnom prostoru u cilju proširenja eksploatacijskog polja i prevođenja rezervi iz jedne u drugu kategoriju, privredno društvo - investitor koji je korisnik istražnog prostora podnosi zahtjev u skladu sa članom 27. ovog zakona Ministarstvu.
- (2) Ministarstvo vodi postupak i izdaje rješenje sa ograničenim prostorom za istraživanje u skladu sa čl. 28., 29. i 30. ovog zakona u cilju osiguranja novoistraženih rezervi odgovarajuće kategorije i klase za tekuću proizvodnju.

Član 32.

(Odobrenje za istraživanje različitih mineralnih sirovina)

Na isti istražni prostor može se izdati više odobrenja za istraživanje, ako se odnose na različite vrste istraživanja ili različite mineralne sirovine i ako se istražni radovi mogu nesmetano odvijati.

VIII - IZVOĐENJE GEOLOŠKIH ISTRAŽIVANJA

Član 33.

(Prijava početka istražnih radova)

Privredno društvo ili javna ustanova koja vrši geološka istraživanja ili investitor tih radova dužni su prijaviti početak istražnih radova kantonalnom geološkom inspektoratu i Ministarstvu koje je izdalo odobrenje za istraživanje najkasnije 15 dana prije početka istraživanja.

Član 34.

(Izvođenje istražnih radova i izrada elaborata o klasifikaciji, kategorizaciji i proračunu rezervi mineralne sirovine)

- (1) Privredno društvo - investitor dužno je osigurati izvođenje geoloških istražnih radova i izradu elaborata o klasifikaciji, kategorizaciji i proračunu rezervi mineralne sirovine u skladu sa programom odnosno projektom istraživanja.
- (2) Izvođenje geoloških istražnih radova, bez obzira u koju svrhu se vrši, obavezan nadzor inženjera geologije koji ima položen stručni ispit.
- (3) Elaborat mora da sadrži sve podatke propisane članom 34. stav (2) Federalnog zakona.

Član 35.

(Primjena propisa pri izvođenju geoloških istraživanja)

Privredno društvo ili javna ustanova koja vrši geološka istraživanja dužna je izvoditi radove prema odobrenom programu, odnosno projektu geoloških istraživanja, ovom zakonu, tehničkim propisima, normativima i standardima koji važe za izvođenje tih radova, provoditi propisane mjere zaštite na radu, blagovremeno poduzimati mjere za zaštitu građana i imovine, poduzimati propisane mjere zaštite okoliša i istražne radove izvoditi prema urbanističkim, vodoprivrednim, građevinskim i okolišnim uslovima.

Član 36.

(Evidencije u toku izvođenja geoloških istraživanja)

- (1) Pri izvođenju geoloških istražnih radova može se vaditi mineralna sirovina u količinama koje zahtijevaju istražni radovi i tehnološka ispitivanja a određena je u odobrenju za geološka istraživanja iz člana 30. ovog zakona.

- (2) Privredno društvo - investitor u toku izvođenja istraživanja dužan je voditi evidenciju o izvađenim količinama mineralnih sirovina, o mjestu deponovanja i prodaji ili korištenju u druge namjene.
- (3) Privredno društvo ili javna ustanova dužna je utvrditi i voditi evidenciju o utvrđenim osnovnim obilježjima drugih mineralnih sirovina otkrivenih tokom istraživanja na odobrenom istražnom prostoru, kao i o posebnim karakteristikama istražnog prostora (klizišta, vode, gasovi, kora raspadanja i sadržaj korisnih mineralnih sirovina).
- (4) Privredno društvo ili javna ustanova dužna je, ukoliko pri izvođenju istražnih radova naiđe na karakteristične fosile, minerale, rude i stijene o tome obavijestiti instituciju nadležnu za njihovo prikupljanje i čuvanje.
- (5) Vadenje mineralnih sirovina u toku istraživanja mora se izvoditi prema odgovarajućim propisima koji se primjenjuju u oblasti rudarstva.

Član 37.

(Geološka istraživanja u odobrenom eksploatacijskom polju)

- (1) Privredno društvo - investitor koji se bavi eksploatacijom mineralne sirovine dužan je putem geološke službe, u okviru svog eksploatacijskog polja pratiti eksploataciju i na osnovu projekata istraživanja izvoditi detaljna i eksploatacijska geološka istraživanja u cilju sveobuhvatnog izučavanja geoloških svojstava ležišta, prekategoriizaciju rezervi i praćenje kvaliteta mineralne sirovine.
- (2) Privredno društvo - investitor dužan je na osnovu plana geoloških istraživanja izraditi projekt geoloških istraživanja i elaborat o rezervama i kvalitetu mineralne sirovine u okviru eksploatacijskog polja.
- (3) Obaveza privrednog društva - investitora koji vrši eksploataciju mineralne sirovine je da osniva i vodi knjigu evidencije rezervi mineralne sirovine i svake godine do 15. marta tekuće godine za prethodnu godinu Ministarstvu dostavlja izvještaj o stanju i kvalitetu mineralne sirovine.
- (4) Privredno društvo - investitor koji se bavi eksploatacijom mineralne sirovine, ukoliko nema svoju geološku službu dužan je poslove geološke djelatnosti povjeriti privrednom društvu ili javnoj ustanovi koja ispunjava uslove za obavljanje tih poslova za period dok traje eksploatacija.
- (5) Za istraživanje odobrene mineralne sirovine u okviru eksploatacijskog polja nije potrebno odobrenje Ministarstva za istraživanje. Eksploatacijska geološka istraživanja u odobrenom eksploatacijskom polju privredna društva izvode u skladu sa godišnjim planom istraživanja i na osnovu revidovanog projekta istraživanja koje odobrava rukovodilac privrednog društva.

Član 38.

(Geološka istraživanja neodobrene mineralne sirovine u odobrenom eksploatacijskom polju)

Za istraživanje novootkrivene mineralne sirovine u odobrenom eksploatacijskom polju, čija eksploatacija nije odobrena, privredno društvo - investitor koji vrši eksploataciju dužan je pribaviti odobrenje Ministarstva u skladu sa članom 26. ovog zakona.

Član 39.

(Ustupanje rezultata izvedenih geoloških istraživanja ležišta mineralne sirovine)

Privredno društvo - investitor koji je ulaganjem vlastitih sredstava obavio istraživanje jednog ili više ležišta mineralne sirovine može rezultate istraživanja, uz naknadu utvrđenu ugovorom, ustupiti drugom privrednom društvu - investitoru, uz prethodno pribavljeno odobrenje Ministarstva.

IX - IZVJEŠTAJI O GEOLOŠKIM ISTRAŽIVANJIMA

Član 40.

(Elaborat i izvještaj o provedenim geološkim istraživanjima)

- (1) Privredno društvo - investitor dužan je Ministarstvu u toku istraživanja u rokovima utvrđenim u odobrenju za istraživanje podnositi periodične izvještaje o izvršenim istražnim radovima, rezultatima istraživanja mineralne sirovine i drugim podacima o kojima vodi evidenciju prema članu 36. ovog zakona i o planiranim istraživanjima u druge namjene.
- (2) Privredno društvo - investitor dužan je Ministarstvu iz stava (1) ovog člana podnositi godišnji izvještaj o rezultatima istraživanja do 15. marta tekuće za proteklu godinu.
- (3) Nakon završetka ili trajnog obustavljanja istraživanja privredno društvo - investitor dužan je Ministarstvu iz stava (1) ovog člana podnijeti elaborat u tri primjerka, sa dokumentacijom o obimu izvedenih istražnih radova, eventualnim odstupanjima od projekta istraživanja, rezultatima istraživanja i tehnološkim ispitivanjima za period u kojem su izvođeni istražni radovi koji sadrži i podatke iz stava (1) ovog člana i člana 36. ovog zakona.
- (4) Elaborat o završenim istraživanjima tla i stijena za gradnju objekata sadrži posebno podatke o inženjersko - geološkim i hidrogeološkim karakteristikama, te podatke o geomehaničkim i geotehničkim svojstvima tla i stijene.

X - IZDAVANJE RJEŠENJA O PRIZNAVANJU REZERV
MINERALNE SIROVINE

Član 41.

(Izrada elaborata o klasifikaciji, kategorizaciji i proračunu rezervi mineralne sirovine)

- (1) Po završetku detaljnih geoloških istraživanja privredno društvo - investitor dužan je izraditi elaborat o klasifikaciji, kategorizaciji i proračunu rezervi mineralne sirovine sa geološko - ekonomskom ocjenom i domenom primjene mineralne sirovine.
- (2) Ministarstvo donosi i rješenje - upravni akt o potvrđenim količinama i kvalitetu mineralne sirovine.
- (3) Rezerve mineralne sirovine razvrstavaju se u klase i kategorije, što je propisano odredbom člana 41. Federalnog zakona.

Član 42.

(Vođenje postupka za izdavanje rješenja kojim se potvrđuje količina i kvalitet mineralne sirovine)

- (1) Privredno društvo - investitor dužan je 15 dana nakon izrade elaborata podnijeti zahtjev za reviziju elaborata Ministarstvu, koje je izdalo odobrenje za istraživanje mineralne sirovine.
- (2) Elaborat o klasifikaciji, kategorizaciji i proračunu rezervi mineralne sirovine (u daljnjem tekstu: elaborat) podliježe obaveznoj reviziji od stručne komisije koju prema zahtjevu imenuje Ministar.
- (3) Prema zahtjevu za reviziju elaborata privrednog društva - investitora, Ministar donosi rješenje o imenovanju stručne komisije za reviziju elaborata. U stručnu komisiju imenuju se stručna lica geološke struke koja ispunjavaju uslove propisane članom 20. ovog zakona. Za članove stručne komisije imenuju se i stručna lica geološke struke iz reda Ministarstva. Stručnoj komisiji pripada naknada za rad. Imenovanje, rad i naknada za rad stručne komisije iz ovog člana propisuje se pravilnikom koji donosi Ministar.
- (4) Troškove rada stručne komisije za reviziju elaborata snosi privredno društvo - investitor koji je podnio zahtjev za reviziju elaborata.
- (5) Ministarstvo organizira reviziju na koju poziva stručnu komisiju, podnosioca zahtjeva i privredno društvo ili javnu

ustanovu koja je nosilac izrade elaborata. U toku revizije Ministarstvo sastavlja zapisnik.

- (6) Nakon što stručna komisija prihvati elaborat Ministarstvo izdaje rješenje o potvrđivanju količine i kvaliteta mineralne sirovine na određenom istražnom prostoru.
- (7) Ministarstvo dostavlja primjerak elaborata o klasifikaciji, kategorizaciji i proračunu rezervi Federalnom zavodu za potrebe Fonda stručne dokumentacije.
- (8) Ministarstvo dostavlja jedan primjerak rješenja o potvrđenim količinama i kvalitetu mineralnih sirovina Federalnom ministarstvu radi evidentiranja i prikupljanja podataka o rezervama mineralne sirovine i o bilansu rezervi.

Član 43.

(Rješenje o potvrđivanju količina i kvaliteta mineralne sirovine)

Rješenjem o potvrđivanju količine i kvaliteta mineralnih sirovina određuju se:

- a) naziv privrednog društva - investitora kome je odobreno istraživanje mineralne sirovine;
- b) naziv istražnog prostora i vrsta mineralne sirovine;
- c) potvrđena količina bilansnih rezervi mineralne sirovine;
- d) potvrđena količina vanbilansnih rezervi (nije obavezna);
- e) potvrđen kvalitet mineralne sirovine;
- f) hemijski sastav mineralne sirovine;
- g) fizičko - mehaničke osobine mineralne sirovine;
- h) mogućnost primjene;
- i) koordinate istražnog prostora.

Član 44.

(Nadomirivanje eksploatisanih količina mineralne sirovine)

- (1) Privredno društvo - investitor koji vrši eksploataciju mineralne sirovine dužan je eksploatisane količine mineralne sirovine nadomiriti novoistraženim rezervama odgovarajuće kategorije i klase za tekuću proizvodnju.
- (2) Privredno društvo - investitor iz stava (1) ovog člana dužan je izraditi i dostaviti na reviziju Ministarstvu elaborat o klasifikaciji, kategorizaciji i proračunu rezervi mineralne sirovine u istražnom, odnosno eksploatacijskom polju svake pete godine za ležišta čije rezerve osiguravaju tekuću proizvodnju za period do deset godina, a svake sedme godine za ležišta čije rezerve osiguravaju proizvodnju za period duži od deset godina.

XI - POSTUPAK NAKON ZAVRŠETKA ISTRAŽIVANJA

Član 45.

(Zaštita istražnog prostora nakon završetka istraživanja)

Nakon završetka ili trajnog obustavljanja istražnih radova privredno društvo - investitor dužan je na istražnom prostoru provesti sve mjere zaštite kojima se isključuje mogućnost nastupanja opasnosti za ljude i imovinu, a zemljište oštećeno istraživanjem dužan je osposobiti za korištenje u skladu sa odobrenjem iz člana 30. ovog zakona.

Član 46.

(Obaveze po završetku ili trajnoj obustavi geoloških istražnih radova)

- (1) Nakon završetka ili trajnog obustavljanja geoloških istražnih radova privredno društvo - investitor dužan je obavijestiti Ministarstvo i kantonalnog geološkog inspektora (u daljnjem tekstu: geološki inspektor) o provedenim mjerama sigurnosti i saniranja istražnog prostora.
- (2) Ministarstvo iz stava (1) ovog člana dužno je provjeriti da li su provedene mjere dovoljne i da li se njima isključuje mogućnost nastupanja opasnosti za ljude i imovinu.

- (3) Ako Ministarstvo iz stava (1) ovog člana utvrdi da su provedene mjere osiguranja dovoljne, obavijestit će o tome privredno društvo kojem je odobreno istraživanje.
- (4) Ako Ministarstvo iz stava (1) ovog člana utvrdi da provedene mjere osiguranja nisu dovoljne, naložit će privrednom društvu - investitoru da u određenom roku otkloni utvrđene nedostatke, odnosno provede i druge mjere osiguranja.
- (5) Ako privredno društvo - investitor ne postupi prema nalogu iz stava (4) ovog člana, organ koji je izdao nalog provest će potrebne mjere osiguranja o trošku privrednog društva kojem je odobreno istraživanje.
- (6) Pod trajnom obustavom geoloških istražnih radova podrazumijeva se obustava geoloških istražnih radova duža od 90 dana.

Član 47.

(Privremena obustava)

- (1) Privremenu obustavu geoloških istražnih radova, koja je iznenada nastupila privredno društvo ili izvođač istražnih radova dužno je prijaviti Ministarstvu i geološkom inspektor u roku od 24 sata nakon obustave radova.
- (2) Pojavu opasnosti po živote i zdravlje zaposlenika privredno društvo, odnosno izvođač istražnih radova dužno je odmah prijaviti Ministarstvu i geološkom inspektor.
- (3) Privremenu planiranu obustavu radova privredno društvo ili izvođač istražnih radova dužno je prijaviti Ministarstvu i geološkom inspektor najmanje dva dana prije obustave radova. Postupak je isti kod ponovnog početka radova.
- (4) Ako obustava iz stava (3) ovog člana traje duže od 15 dana, privredno društvo ili izvođač rudarskih radova dužan je:
- sačiniti zapisnik sa obrazloženjem o uzrocima obustave radova i opasnostima koje su uzrokovale obustavu i
 - pripremiti plan mjera i aktivnosti radi sprečavanja nastajanja opasnosti koje se mogu pojaviti kod ponovnog otpočinjanja radova.
- (5) Za vrijeme privremene obustave izvođenja radova privredno društvo, odnosno izvođač geoloških istražnih radova mora osigurati redovno održavanje svih strojeva i opreme, spriječiti nastajanje šteta i osigurati kretanje zaposlenih bez opasnosti po njihov život i zdravlje.
- (6) Privredno društvo, odnosno izvođač istražnih radova obavezan je dva dana prije ponovnog otpočinjanja istražnih geoloških radova obavijestiti geološkog inspektora.
- (7) Privremeni prekid izvođenja geoloških istražnih radova je prekid koji ne traje duže od 90 dana.

Član 48.

(Trajna obustava istražnih radova)

- (1) Trajna obustava izvođenja geoloških istražnih radova je obustava koja traje duže od 90 dana.
- (2) Trajnu obustavu iz stava (1) ovog člana privredno društvo dužno je prijaviti Ministarstvu i geološkom inspektor pet dana prije obustave istražnih geoloških radova.

XII - PRIKUPLJANJE I IZRADA GEOLOŠKE BAZE PODATAKA

Član 49.

(Dostava podataka Federalnom zavodu)

Privredna društva - investitori koji vrše istraživanje, finansiraju i organiziraju geološka istraživanja, posebno građevinska, rudarska, vodoprivredna, šumarska i poljoprivredna, dužna su Federalnom zavodu za geologiju dostavljati podatke o vrsti i obimu istraživačkih radova i visini ulaganja finansijskih sredstava u te radove u skladu sa članom 40. ovog zakona s ciljem izrade baze podataka o geološkim istraživanjima.

Član 50.

(Fond stručne dokumentacije)

- (1) Privredna društva - investitori obavezni su dostavljati Federalnom zavodu za geologiju programe i projekte na osnovu kojih su izdata odobrenja za geološka istraživanja i elaborate o rezervama mineralnih sirovina, verifikovanih u Ministarstvu.
- (2) Na osnovu dostavljene dokumentacije uz stava (1) ovog člana, Federalni zavod za geologiju formira Fond stručne dokumentacije.

XIII - FINANSIRANJE GEOLOŠKIH ISTRAŽIVANJA OD INTERESA ZA KANTON

Član 51.

(Izrada planova i programa za geološka istraživanja od interesa za Kanton)

Predlaganje programa i planova iz člana 10. ovog zakona vrši Ministarstvo koje dostavlja predmetne prijedloge Federalnom zavodu ovlaštenom za njihovu izradu.

Član 52.

(Sredstva i kriteriji za finansiranje geoloških istraživanja od interesa za Kanton)

- (1) Sredstva za finansiranje geoloških istraživanja od interesa za Kanton iz člana 10. ovog zakona osiguravaju se u budžetu Kantona Sarajevo.
- (2) Sredstva za geološka istraživanja koriste se na osnovu kriterija za finansiranje geoloških istraživanja od interesa za Kanton, koje će propisati Ministar.
- (3) Privredna društva, javne ustanove i specijalizirane institucije za geološka istraživanja konkurišu za budžetska sredstva za istraživanja prema kriterijima za finansiranje geoloških istraživanja od interesa za Kanton iz stava (1) ovog člana, u skladu sa Zakonom o javnim nabavkama Bosne i Hercegovine.

Član 53.

(Finansiranje programa i planova)

Vlada Kantona, na prijedlog Ministarstva donosi odluke o izdvajanju budžetskih sredstava za finansiranje programa i planova geoloških istraživanja.

XIV - UKIDANJE ODOBRENJA ZA GEOLOŠKA ISTRAŽIVANJA

Član 54.

(Ukidanje odobrenja za geološka istraživanja)

- (1) Privrednom društvu - investitoru odobrenje za geološka istraživanja ukida se:
- ako i pored naloga geološkog inspektora nisu provedene mjere zaštite okoliša, zaštite na radu, potrebne mjere za sigurnost ljudi i imovine i ne provode se propisani urbanistički, vodoprivredni i ekološki uslovi;
 - ako se istražnim radovima ometaju ili ugrožavaju drugi radovi na istom ili susjednom prostoru;
 - ako se istraživanje izvodi neracionalno i time ugrožava buduća eksploatacija mineralne sirovine na tom ili drugom istražnom prostoru;
 - ako se blagovremeno ne nadoknađuje šteta na privatnom posjedu prčinjena u toku istraživanja;
 - ako se pod vidom istraživanja vrši eksploatacija mineralne sirovine i
 - ako se istraživanje ne obavlja u skladu sa odobrenim programom ili projektom geoloških istraživanja i uslovima utvrđenim u izdatom odobrenju za istraživanje.

- (2) U slučajevima iz stava (1) ovog člana privredno društvo nema pravo na naknadu sredstava uložениh u istraživanje.
- (3) Odobrenje će rješenjem ukinuti Ministarstvo koje je izdalo odobrenje za geološka istraživanja, ako postoji neki od razloga iz stava (1) ovog člana.

XV - POLAGANJE STRUČNOG ISPITA

Član 55.

(Stručni ispit za zaposlenike geološke struke)

- (1) Stručni ispit zaposlenici geološke struke polažu radi ispunjavanja uslova i sticanja stručne osposobljenosti za samostalno obavljanje poslova i rukovođenje u oblasti geoloških istraživanja u istraživačkim timovima i geološkim službama; izrade i revizije programa, projekata, izvještaja i elaborata i druge dokumentacije.
- (2) Zaposlenici geološke struke moraju imati položen stručni ispit, koji je propisan u članu 55. Zakona o geološkim istraživanjima Federacije Bosne i Hercegovine.

XVI - INSPEKCIJSKI NADZOR

Član 56.

(Nadzor nad provođenjem ovog zakona)

- (1) Nadzor nad provođenjem ovog zakona i propisa donesenih na osnovu ovog zakona vrši geološki inspektor.
- (2) Inspeksijski nadzor iz člana 26. ovog zakona, vrši inspektor na osnovu ovog zakona i Zakona o inspekcijama u Federaciji Bosne i Hercegovine ("Službene novine Federacije BiH", broj 69/05).

Član 57.

(Geološki inspektori)

Poslove geološkog inspektora može obavljati diplomirani inženjer geologije sa radnim iskustvom u struci od najmanje pet godina, položenim stručnim ispitom i koji ispunjava i druge uslove iz Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).

Član 58.

(Nadležnost inspekcije)

U vršenju nadzora geološki inspektor kontroliše da li:

- je privredno društvo - investitor za izvođenje geoloških istraživanja pribavio odobrenje u skladu sa čl. 25., 26. i 28. ovog zakona i da li se radovi izvode u skladu sa odobrenom projektnom dokumentacijom;
- privredno društvo ili javna ustanova koja vrši geološka istraživanja poštuje zakone i tehničke propise, normative i standarde koji se odnose na izvođenje tih radova i provodi propisane mjere zaštite građana, imovine i mjere zaštite okoliša iz člana 35. ovog zakona;
- privredno društvo ili javna ustanova koja vrši istraživanje ispunjava uslove propisane odredbama čl. 21. i 23. ovog zakona;
- lice koje se bavi izradom i revizijom dokumentacije za geološka istraživanja ispunjavaju uslove propisane članom 20. ovog zakona;
- privredno društvo - investitor koji se bavi eksploatacijom redovno dopunjava geološke planove - karte i ostalu dokumentaciju potrebnu za pravilno tehničko i racionalno izvođenje rudarskih radova i vrši ostale propisane radove u skladu sa čl. 9., 36., 40. i 44. ovog zakona;
- privredno društvo - investitor vađenje mineralnih sirovina pri istražnim radovima vrši u skladu sa članom 36. ovog zakona;

- g) privredno društvo - investitor pri izvođenju istražnih radova podnosi izvještaj u skladu sa članom 40. ovog zakona.

Član 59.

(Prava i dužnosti geološkog inspektora)

- (1) Vršeći inspeksijski nadzor geološki inspektor ima pravo:
- nesmetano vršiti inspeksijski pregled i ulaziti u prostore gdje se izvode istražni radovi, tražiti podatke, dokumente i izvještaje potrebne pri inspeksijskom pregledu,
 - pregledati tehničku i drugu dokumentaciju,
 - utvrditi identitet lica koja izvode istražne radove,
 - privremeno oduzeti tehničku dokumentaciju ili je fotokopirati,
 - fotografisati lokacije na kojima je zabranio radove,
 - tražiti pomoć stručne organizacije ili pojedinih stručnih lica,
 - privremeno zabraniti izvođenje geoloških i rudarskih radova.
- (2) Geološki inspektor može u trajanju do osam dana izuzeti dokumentaciju potrebnu za utvrđivanje činjeničnog stanja o razmatranom predmetu, ako je mišljenja da su očigledno prekršene odredbe ovog zakona, tehničkih propisa i propisa iz oblasti zaštite i zdravlja na radu i drugih propisa donesenih na osnovu ovog zakona, ili ako sumnja da je učinjen prekršaj.
- (3) O izuzimanju dokumentacije iz stava (2) ovog člana geološki inspektor privrednom društvu - investitoru izdaje potvrdu sa popisom izuzete dokumentacije.
- (4) Geološki inspektor u svom radu primjenjuje i prava utvrđena u čl. 67. i 68. Zakona o inspekcijama u Federaciji Bosne i Hercegovine.

Član 60.

(Dužnosti privrednog društva - investitora i privrednog društva ili javne ustanove koji izvode geološke istražne radove)

- Privredno društvo - investitor i privredno društvo ili javna ustanova koja izvodi geološke istražne radove dužni su omogućiti inspektorima vršenje inspeksijskog nadzora.
- Privredno društvo - investitor i privredno društvo ili javna ustanova koja izvodi geološke istražne radove dužni su omogućiti uvid u svu dokumentaciju društva, a na traženje inspektora odrediti jedno ili više lica koja će učestvovati u utvrđivanju činjeničnog stanja pri vršenju inspeksijskog pregleda.

Član 61.

(Zapisnik o inspeksijskom pregledu)

- O izvršenom inspeksijskom pregledu geološki inspektor je obavezan sastaviti zapisnik. Utvrđene nedostatke i nepravilnosti u inspeksijskom pregledu inspektor je dužan konstatovati zapisnikom o izvršenom inspeksijskom pregledu.
- Zapisnik sastavlja geološki inspektor koji je izvršio inspeksijski pregled. Ako je inspeksijski pregled izvršilo istovremeno više inspektora po istom nalogu (kolektivni inspeksijski pregled), u tom slučaju zajednički sastavljaju jedan zapisnik.
- Zapisnik osim navoda propisanih u Zakonu o upravnom postupku ("Službene novine Federacije BiH", br. 2/98 i 48/99) sadrži i navode koje je neophodno navesti u vršenju inspeksijskog pregleda.
- Zapisnik o inspeksijskom pregledu je javna isprava osim onih dijelova zapisnika u kojima je subjekt nadzora dao primjedbu da nije pravilno sastavljen.

Član 62.

(Vođenje postupka za izdavanje rješenja)

- (1) Na osnovu zapisnika iz člana 61. ovog zakona, odredbi ovog zakona, tehničkih propisa i drugih propisa iz oblasti geoloških istraživanja inspektor ima pravo i dužnost privrednom društvu - investitoru, odnosno privrednom društvu ili javnoj ustanovi izdati rješenje kojim se nalaže otklanjanje nedostataka i nepravilnosti, te odrediti rokove njihovog otklanjanja.
- (2) Na osnovu zapisnika iz stava (1) člana 61. ovog zakona inspektor ima pravo i dužnost:
 - a) rješenjem narediti otklanjanje utvrđenih nepravilnosti i nedostataka;
 - b) rješenjem narediti privremenu zabranu izvođenja radova;
 - c) podnijeti prijavu za privredni prestup.
- (3) Rješenje iz stava (2) ovog člana u slučaju neposredne opasnosti za život i zdravlje ljudi, saobraćaj, susjedne objekte ili okolinu daje se usmeno. Sadržaj usmenog rješenja inspektor upisuje u knjigu rudarskog, odnosno u knjigu građevinskog nadzora zajedno sa mjerama čije je poduzimanje usmeno naredio.
- (4) Rješenje iz st. (2) i (3) ovog člana inspektor je dužan pisano izdati privrednom društvu - investitoru, odnosno privrednom društvu ili javnoj ustanovi najkasnije u roku od osam dana izvršenog inspekcijskog pregleda.
- (5) Privredno društvo - investitor, odnosno privredno društvo ili javna ustanova dužni su postupiti prema naredbama iz rješenja inspektora u roku određenom u rješenju.

Član 63.

(Upravne mjere koje se nalažu rješenjem)

Ukoliko geološki inspektor utvrdi da privredno društvo - investitor, odnosno privredno društvo ili javna ustanova ne postupa ili nepotpuno postupa prema obavezama koje su mu određene propisima, dužan je prema utvrđenom činjeničnom stanju u zapisniku o izvršenom inspekcijskom pregledu naložiti odgovarajuće upravne mjere i to:

- a) narediti otklanjanje utvrđenih nedostataka i nepravilnosti na način i u roku kako je određeno ovim zakonom i propisima donesenim na osnovu njega;
- b) narediti privremenu mjeru zabrane izvođenja radova;
- c) narediti mjeru zabrane izvođenja radova;
- d) narediti poduzimanje odgovarajućih upravnih radnji koje je privredni subjekt i drugo pravno lice, institucija koja ima javna ovlaštenja, odnosno organ uprave obavezan poduzeti;
- e) prisilno provesti izvršenje određene upravne mjere kada je privredno društvo - investitor odnosno privredno društvo ili javna ustanova sami ne izvrše;
- f) podnijeti prijavu protiv privrednog društva - investitora, odnosno privrednog društva ili javne ustanove i odgovornog lica za učinjeni prekršaj;
- g) odrediti i druge mjere i obaviti radnje određene ovim zakonom i propisima;
- h) zabraniti obavljanje djelatnosti.

Član 64.

(Privremena zabrana izvođenja geoloških istražnih radova)

Geološki inspektor može privrednom društvu - investitoru rješenjem zabraniti izvođenje radova do otklanjanja nedostataka, ako prilikom inspekcijskog pregleda utvrdi da:

- a) privredno društvo ili javna ustanova koja izvodi geološka istraživanja nije osigurala potpunu ispravnost sredstava za rad, radnog prostora i radnog procesa kako je to određeno odobrenim projektom i tehničkom dokumentacijom prema odredbama ovog zakona;

- b) privredno društvo ili javna ustanova koja izvodi geološke istražne radove ne primjenjuje u cijelosti odredbe ovog zakona, tehničke propise, propise iz oblasti zaštite na radu i zaštite zdravlja radnika i druge propise i akte, odnosno ako se radovi ne izvode u skladu sa odobrenom tehničkom dokumentacijom;
- c) pri korištenju sredstava rada, primjeni radnih postupaka, korištenju radnog prostora koji nije zaštićen prijeto opasnost od povrede, ugrožavanja zdravlja zaposlenika privrednog društva ili javne ustanove koja izvodi geološke istražne radove i ako se zaposlenici ne pridržavaju odgovarajućih uputa za rad;
- d) privredno društvo - investitor, odnosno privredno društvo ili javna ustanova nisu postupili u skladu sa usmeno izrečenim naređenjem inspektora i
- e) privredno društvo - investitor, odnosno privredno društvo ili javna ustanova onemogućava vršenje inspekcijskog pregleda.

Član 65.

(Zabrana izvođenja geoloških istražnih radova)

Geološki inspektor mora rješenjem zabraniti izvođenje geoloških istražnih radova, ako prilikom inspekcijskog pregleda utvrdi da:

- a) privredno društvo ili javna ustanova koja vrši istraživanje izvodi istražne radove bez odobrenja za istraživanje ili bez odobrenja za obavljanje registrirane djelatnosti ili se pri izvođenju istražnih radova ne primjenjuju odredbe ovog zakona, tehnički propisi, propisi iz oblasti zaštite na radu i zdravlja zaposlenika, što može ugroziti život i zdravlje zaposlenika, sigurnost saobraćaja i susjednih objekata, zaštita životne sredine i mogućnost nastanka veće materijalne štete, odnosno radovi se ne izvode u skladu sa odobrenom tehničkom dokumentacijom;
- b) su kod privrednog društva - investitora, odnosno privrednog društva ili javne ustanove zaposlena lica koja ne ispunjavaju uslove o stručnoj osposobljenosti prema odredbama ovog zakona;
- c) privredno društvo - investitor, odnosno privredno društvo ili javna ustanova ili njihovo odgovorno lice i pored usmenog naređenja inspektora ponovno krši odredbe tehničkih propisa, propisa iz oblasti zaštite na radu i zaštite zdravlja radnika i drugih propisa koji se odnose na rudarske radove, te općih akata ovog zakona;
- d) privredno društvo - investitor, odnosno privredno društvo ili javna ustanova pri istraživanju koristi postrojenja i geološku opremu za koju nemaju upotrebnu dozvolu, što neposredno ugrožava sigurnost objekata i uređaja, živote i zdravlje ljudi, odvijanje saobraćaja, susjedne objekte i okoliš i predstavlja neposrednu opasnost za život i zdravlje zaposlenika i
- e) privredno društvo - investitor, odnosno privredno društvo ili javna ustanova pri izvođenju radova zahvata i područje van prostora određenog odobrenjem za istraživanje propisano u skladu sa ovim zakonom.

Član 66.

(Zabrana obavljanja djelatnosti)

- (1) Geološki inspektor mora rješenjem zabraniti obavljanje djelatnosti privrednom društvu - investitoru, odnosno privrednom društvu ili javnoj ustanovi, ako prilikom inspekcijskog pregleda utvrdi:
 - a) da za obavljanje djelatnosti ne ispunjava uslove propisane ovim i drugim zakonom;
 - b) da pri obavljanju djelatnosti ne primjenjuju se propisi i standardi i

- c) ako izradu i reviziju tehničke dokumentacije obavljaju lica koja ne ispunjavaju uslove prema ovom zakonu.
- (2) Trećim licima (pravnim i fizičkim) geološki inspektor će utvrditi upravnu mjeru ukoliko obavljaju djelatnost suprotno odredbama ovog zakona.

Član 67.

(Usmeno određivanje upravne mjere)

- (1) U inspekcijском pregledu geološki inspektor će privrednom društvu - investitoru, odnosno privrednom društvu ili javnoj ustanovi usmeno odrediti upravnu mjeru i narediti da se odmah izvrši:
- kad je to obavezno prema ovom zakonu i
 - kad je u nastaloj situaciji neophodno, prema ocjeni inspektora, poduzeti radnje na otklanjanju neposredne opasnosti po život i zdravlje zaposlenika i građana ili nastanak veće materijalne štete.
- (2) Sadržaj usmene upravne mjere geološki inspektor upisuje u knjigu rudarskog nadzora, odnosno u knjigu građevinskog nadzora, i u zapisnik o inspekcijском nadzoru.

Član 68.

(Rok za donošenje rješenja)

- (1) Upravnu mjeru geološki inspektor određuje rješenjem.
- (2) Rješenje o određenim upravnim mjerama geološki inspektor je dužan donijeti u zakonskom roku, a rješenje u pisanom obliku o usmeno određenoj upravnoj mjeri u roku od tri dana od dana izricanja upravne mjere.

Član 69.

(Izvršenje rješenja)

- (1) Izvršenje rješenja prati inspektor i utvrđuje po službenoj dužnosti.
- (2) Izvršenje rješenja inspektor utvrđuje kontrolnim pregledom ili drugim pisanim dokazom.
- (3) Izvršenje rješenja inspektor može produžiti do 30 dana, osim rješenja kojim su upravne mjere usmeno utvrđene.

Član 70.

(Žalba na rješenje)

- (1) Žalba na rješenje o usmeno određenoj upravnoj mjeri nije dopuštena.
- (2) Žalba na rješenje o utvrđenim upravnim mjerama iz čl. 63., 64., 65., 66. ovog zakona može se izjaviti u roku od osam dana od dana prijema rješenja.
- (3) O žalbi rješava Ministarstvo.
- (4) Žalba na rješenje geološkog inspektora o određenim upravnim mjerama ne odgaga izvršenje rješenja.
- (5) Protiv rješenja geološkog inspektora o usmeno određenoj upravnoj mjeri i rješenja Ministarstva donesenog po žalbi može se pokrenuti upravni spor.

Član 71.

(Rok za rješavanje žalbe)

Žalba na rješenje geološkog inspektora o utvrđenoj upravnoj mjeri nadležni drugostepeni organ dužan je riješiti u roku od osam dana od dana prijema žalbe.

XVII - UPRAVNI NADZOR

Član 72.

(Provođenje upravnog nadzora)

Upravni nadzor nad provođenjem ovog zakona i propisa donesenih na osnovu ovog zakona, te zakonitosti rada i postupanja tijela nadležnih organa uprave i lica koja imaju javne ovlasti u njima povjerenim im upravnim i drugim stručnim

poslovima koji se odnose na područje geoloških istraživanja, provodi Ministarstvo.

Član 73.

(Poništenje i ukidanje po pravu nadzora)

- (1) Ako se u provođenju upravnog nadzora, odnosno nadzora koji provodi geološki inspektor utvrdi da su rješenjem nadziranog tijela ili pravnog lica iz člana 72. ovog zakona, koje je konačno u upravnom postupku, povrijeđene materijalne odredbe zakona ili propisa donesenih na osnovu zakona, koji uređuje područje geoloških istraživanja, Ministarstvo takvo rješenje ukinut će po pravu nadzora.
- (2) Ako se u provođenju upravnog nadzora ili nadzora koji provodi geološki inspektor utvrdi da su odobrenjem za izvođenje istražnih radova, rješenjem o potvrđivanju količine i kvaliteta mineralne sirovine koja su konačna u upravnom postupku, očito povrijeđene materijalne odredbe ovog zakona, Ministarstvo takvu dozvolu, odnosno rješenje ukida po pravu nadzora.
- (3) Ako se u provođenju nadzora utvrdi da su rješenjem geološkog inspektora, koje je konačno u upravnom postupku, povrijeđene odredbe ovog zakona Ministarstvo takvo rješenje poništava po pravu nadzora.
- (4) Rješenje o poništenju, odnosno ukidanju po pravu nadzora može se donijeti u roku od godinu dana od dana konačnosti akta koji se ukida, odnosno poništava.

XVIII - KAZNENE ODREDBE

Član 74.

(Prekršaji privrednog društva - investitora)

- (1) Novčanom kaznom u iznosu od 10.000,00 KM do 15.000,00 KM bit će kažnjeno za prekršaj pravno lice u svojstvu investitora ako:
- vrši geološka istraživanja bez prethodno pribavljenog odobrenja za istraživanje od Ministarstva (čl. 25. i 31.);
 - pri istražnim radovima izvađi veću količinu mineralne sirovine od odobrene i pod vidom istraživanja vrši eksploataciju mineralne sirovine (član 36. stav (1));
 - ne vrši geološka istraživanja u skladu sa odredbama navedenim u odobrenju za geološka istraživanja (član 30.);
 - ne vodi evidenciju o istraživanju mineralne sirovine (član 36. st.(2), (3), (4) i (5));
 - vrši istraživanja van istražnog prostora (član 15);
 - prije ulaska u odobreni istražni prostor ne pribavi saglasnost vlasnika zemljišta (član 27. stav (3) tačka g));
 - provodi geološka istraživanja na prostoru gdje geološka istraživanja nisu dozvoljena ili ako istraživanja od posebnog društvenog interesa vrši suprotno uslovima i načinu iz odluke nadležnog organa (član 16. i član 10. stav (2));
 - u propisanom roku ne prijavi početak istražnih radova Ministarstvu (član 33);
 - ne osigura izvođenje istražnih radova i izradu elaborata o klasifikaciji, kategorizaciji i proračunu rezervi mineralne sirovine u skladu sa programom, odnosno projektom istraživanja i pravilnikom o klasifikaciji, kategorizaciji i proračunu rezervi mineralne sirovine (član 34.);
 - u propisanim rokovima ne podnosi periodične izvještaje o izvršenim istražnim radovima i rezultatima istraživanja mineralne sirovine i o planiranim dugoročnim istraživanjima u druge namjene u rokovima utvrđenim u odobrenju za istraživanje (član 40.);
 - se bavi eksploatacijom i ne vrši redovna geološka istraživanja, ne izrađuje geološke karte, ne vodi knjigu

- evidencije i ne dostavlja godišnji izvještaj Ministarstvu (čl. 9. i 37.);
- l) nakon završetka ili trajnog obustavljanja istražnih radova ne provodi mjere osiguranja ljudi i imovine, ne dovede zemljište u stanje prije izvođenja istražnih radova ili ne osposobi za korištenje u druge namjene u skladu sa odobrenjem za istraživanje (član 45.);
- m) nakon završetka ili trajnog obustavljanja istražnih radova ne obavijesti nadležni organ o provedenim mjerama sigurnosti i saniranju istražnog prostora (član 46.);
- n) eksploatirane količine mineralne sirovine ne nadomiri novoistraženim rezervama odgovarajuće kategorije i klase ili ne sačini elaborat o rezervama mineralne sirovine u propisanim rokovima (član 44.);
- o) Ministarstvu u propisanom roku ne dostavi na reviziju i ovjeru elaborat o klasifikaciji, kategorizaciji i proračunu rezervi mineralne sirovine na istražnom prostoru odnosno eksploatacijskom polju (član 41. stav (1) i član 42. stav (1));
- p) Federalnom zavodu ne dostavi podatke o izvršenim geološkim istraživanjima (član 49.).
- (2) Za prekršaj iz stava (1) ovog člana bit će kažnjeno i odgovorno lice u pravnom licu novčanom kaznom u iznosu od 2.000,00 KM do 3.000,00 KM.
- (3) Za prekršaje iz stava (1) tač. od a) do c) ovog člana uz novčanu kaznu izreći će se i:
- a) zaštitna mjera oduzimanja predmeta koji su upotrebljeni ili su bili namijenjeni za izvršenje prekršaja, ili su nastali izvršenjem prekršaja, ili kad postoji opasnost da će se takvi predmeti ponovno upotrijebiti za počinjenje prekršaja, bez obzira na to da li su u vlasništvu počinitelja;
- b) mjera oduzimanja imovinske koristi pribavljene izvršenjem prekršaja.
- (4) Imovinskom koristi iz stava (3) tačka b) ovog člana smatra se tržišna vrijednost mineralne sirovine dobijene nelegalnom eksploatacijom.
- (5) Za prekršaje iz ovog člana mogu se izreći zabrane odgovornom licu da obavlja određene dužnosti u trajanju od jednog do šest mjeseci.

Član 75.

(Prekršaji privrednog društva ili javne ustanove registrirane za obavljanje djelatnosti iz oblasti geoloških istraživanja)

- (1) Novčanom kaznom u iznosu od 5.000,00 KM do 15.000,00 KM bit će kažnjeno za prekršaj pravno lice ako:
- a) vrši izradu i reviziju geološke dokumentacije i izvođenje istražnih geoloških radova, a nema odobrenje za obavljanje djelatnosti i odobrenje za upotrebu opreme za istraživanje (čl. 22. i 25.);
- b) poslove izrade projektne, tehničke i druge dokumentacije za geološka istraživanja povjeri licima koja ne ispunjavaju propisane uslove (član 20.);
- c) izradu geološke dokumentacije ne vrši u skladu sa ovim zakonom (čl. 18. i 19.);
- d) geološka dokumentacija ili dio geološke dokumentacije za koju je proveo kontrolu i dao pozitivan izvještaj ne zadovoljava zahtjeve iz ovog zakona (član 22. stav (3));
- e) koristi laboratoriju, postrojenja i geološku opremu, a nije izvršena akreditacija laboratorije za ispitivanja i pribavljeno odobrenje o upotrebi laboratorije, postrojenja i opreme za geološka istraživanja (član 23.);
- f) ne izvodi geološka istraživanja u skladu sa ovim zakonom (član 35.);
- g) ne obilježi istražni prostor u skladu sa ovim zakonom (član 15. stav (4));

h) ne postupi u skladu sa članom 46. stav (1), i čl. 47 i 48. ovog zakona.

- (2) Za prekršaj iz stava (1) ovog člana bit će kažnjeno i odgovorno lice u pravnom licu novčanom kaznom u iznosu od 1.000,00 KM do 3.000,00 KM.

Član 76.

(Prekršaji revidenta)

- (1) Novčanom kaznom u iznosu od 1.000,00 KM do 3.000,00 KM bit će kažnjen za prekršaj revident ako:
- a) vrši reviziju geološke dokumentacije, a ne ispunjava uslove u skladu sa ovim zakonom (član 20. stav (3));
- b) vrši reviziju geološke dokumentacije u čijoj je izradi učestvovao ili ako je geološku dokumentaciju izradilo ili nostrificiralo privredno društvo ili javna ustanova kod koje je zaposlen (član 22. stav (2));
- c) geološka dokumentacija ili dio geološke dokumentacije za koju je izvršio kontrolu i dao pozitivan izvještaj ne zadovoljava zahtjeve iz ovog zakona (član 22. stav (3)).
- (2) Uz kaznu za prekršaj iz stava (1) ovog člana licu koje vrši kontrolu geološke dokumentacije, odnosno revidentu može se izreći zaštitna mjera oduzimanja prava za izradu, odnosno kontrolu geološke dokumentacije u trajanju od tri do šest mjeseci na području Kantona, a za prekršaj počinjen drugi put uz novčanu kaznu izreći će se navedena mjera u trajanju od šest mjeseci do jedne godine.
- (3) Privredno društvo ili javna ustanova, koje je vršilo reviziju geološke dokumentacije (revident) u slučaju iz stava (1) ovog člana dužno je investitoru nadoknaditi štetu u skladu sa posebnim zakonom.

Član 77.

(Prekršaji privrednog društva ili javne ustanove koja vrši nostrifikaciju)

Novčanom kaznom u iznosu od 5.000,00 KM do 15.000,00 KM bit će kažnjeno za prekršaj pravno lice ako:

- a) vrši nostrifikaciju geološke dokumentacije, a nema za to odobrenje (član 24. stav (2));
- b) geološka dokumentacija ili dio geološke dokumentacije za koju je izvršena nostrifikacija i izvršena ovjera ne zadovoljava zahtjeve iz ovog zakona (član 24. stav (4)).

XIX - PRELAZNE I ZAVRŠNE ODREDBE

Član 78.

(Ravnopravnost spolova)

Odredbe ovog zakona odnose se podjednako na osobe muškog i ženskog spola, bez obzira na rod imenice upotrebijene u tekstu zakona.

Član 79.

(Propisi kantonalnog ministra)

Propisi predviđeni za provođenje ovog zakona iz čl. 10., 17., 22., 26. i 42. donijet će se u roku od dvije godine od dana stupanja na snagu ovog zakona.

Član 80.

(Stupanje Zakona na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-25513/12
19. septembra 2012. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.



SLUŽBENE NOVINE

KANTONA SARAJEVO

Godina I - Broj 1

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogosča, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 6.

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organi vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve

propise ili druge akte niti preduzimati radnje kojima bi se na bilo koji način ograničavala prava ili narušavali interesi Bosne i Hercegovine ili Federacije na ovom području.

II - ZAŠTITA LJUDSKIH PRAVA I SLOBODA

Član 7.

Utvrđivanje ljudskih prava i sloboda

Na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantonu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjere iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisom Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- staviti na uvid sve službene dokumente uključujući i one tajnog karaktera, te sudske i upravne spise;
- osigurati suradnju svake osobe i svakog službenika u davanju potrebnih informacija i podataka;
- osigurati pristup i kontrolu na svim mjestima gdje su osobe lišene slobode, zatvorene ili gdje rade;

d) omogućiti prisustvo sudskim i upravnim postupcima kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- uspostavljanje i nadziranje policijskih snaga;
- utvrđivanje obrazovne politike, uključujući donošenje propisa o obrazovanju i osiguranje obrazovanja;
- utvrđivanje i provođenje kulturne politike;
- utvrđivanje stambene politike, uključujući donošenje propisa koji se tiču uređivanja i izgradnje stambenih objekata;
- utvrđivanje politike koja se tiče reguliranja i osiguravanja javnih službi;
- donošenje propisa o korištenju lokalnog zemljišta, uključujući i zaniranje;
- donošenje propisa o unaprijeđivanju lokalnog poslovanja i dobrotvornih aktivnosti;
- donošenje propisa o lokalnim postrojenjima za proizvodnju energije i osiguranje njihove dostupnosti;
- utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- provođenje socijalne politike i uspostava službi socijalne zaštite;
- stvaranje i primjena politike turizma i razvoja turističkih resursa;
- stvaranje pretpostavki za optimalni razvoj privrede koja odgovara urbanoj sredini;
- finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši sljedeće nadležnosti:

- jamčenje i provođenje ljudskih prava;
- zdravstvo;
- politika zaštite čovjekove okoline;

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabраних poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).